


CIMELIA


Qu


4940



Cfm 4940







ANDR.
PATRICII
NIDECICI
NOTAE

In duas M. Tullii Ciceronis
orationes.

Ad Ioan. Zamoscium Regni Cancell.



CRACOVIAE.
In Officina Lazari. Anno M. D. LXXXIII.

IN ORATIONES

I. Pro Q. Ligario.

II. Pro Rege Deiotaro.

Cim. Bu. 4940

S.W. 258

ILLVSTRI VIRO
IOAN. SARIO ZAMOSCIO

SVPREMO R. P. CANCELL.

Exercitt. q. Duci,

ANDR. PATRICIVS NIDECIVS

Præposit. Varſouien.

S. P. D.



VOD DE MVLTARVM
olim Græciæ ciuitatum, de Homeri
natalibus inter se litigantium, cer-
tamine, litteris proditum est, Ioan.
Zamosci, id nos hic ferè in omnium
Reip. nostræ ordinum contentio-
ne, de clarissimarum tuarum virtu-
tum vsu & possessione sibi vendicanda controuer-
tentium, vsu euenire facile experimur. Primum enim
scholæ ipsæ, quæ te quondam infantē propemodum
exceperunt, & deinde optimis artibus & litteris im-
butum adolescentem reip. tradiderunt, magno te sibi
conatu repetunt, tuosque illos præclaros de Senatu
Rom. libros duos, pro obsidibus retinent, non solum
reconditæ cuiusdam eruditionis, sed etiam constan-
tis gratiæ & beneuolentiæ erga se tuæ. In ijs docti ho-
mines

A D I O. Z A M O S C I V M

mines, quorum tu plerosq; nuper ex media Italia in Poloniam, maximis reip. propositis stipendijs euocari studuisti, & quanquam res perfici nō potuit, hoc ipso tamen & famam eorum & fortunas non leuiter amplificauiſti, ita te in ſuis numerant, vt vix vllam ceteris mortalibus tui partem vſurpandā relinquant. Quibus deinde quaſi reclamans exaduerso aula ipſa regia, ſuum te eſſe contra aſſerit, & ex ſe potiſſimum ad hominum commendationem profluxiſſe contendit; illo quidem etiamtum tempore, cū regis iuſſu, vnus præ cæteris tuis æqualibus, ad exquirendas abſentium à ſenatu ſenatorum ſententias, ſæpe allegare; & quas collegiſſes, eaſdem rursus in ſenatu, memoriter, & ſumma cum dignitate, regi ipſi recitares. Cum deinde, eiꝰdē illius regis iuſſu, illos monumentorum publicorum, ex archiuo regni depromptorum commentarios tuos, maxima indiſtriæ tuæ laude perſperſos, via etiam ac ratione certa inſtitutos, conſcriberes. Quibus tu oculos penè cornicum confixiſti, & cū teipſum omnium reip. monumentorum bene peritum ciuem præbuiſti, tum rempub. ipſam, bona ſua, denſiſſimis antea obſita tenebris, clarè admodum ac perſpicuè cernere feciſti: atque iis eiꝰſmodi in aula poſitis rudimentis, regis primū oculos, deinde etiam multorum præterea ora, in te conuertitiſti: & vt aula, ſuum te eſſe in perpetuum iactare poſſit, perfeciſti. Iam uerò Equeſter ordo ipſe, longè lateque per tribus ipſas & territoria fuſus, ſuum te quoque eſſe aſſerit; pro quo tu periculoſiſſimo illo ſuperiorum interregnorum
tempo-

REGN. CANCELL.

tempore, difficilibus, sed nomini tuo admodum gloriosus, & domi & foris legationibus obeundis, toties es functus. Quas ille ordo legationes tuas, pro salute sua susceptas, prædes nunc etiam veluti quosdam esse statuit egregiæ tuæ erga se voluntatis. Cui quidem ordini subtrahit te quasi rursus, & totum suum esse, maximo animo obiicit, populus ipse vniuersus. In quo, supremas aliquot præfecturas ita passim administras, vt te vindice, ius fasque omnium in rep. obtineat, vis & iniuria potentiorum prohibeatur. Quid tuus iste, quem sibi boni omnes communem tecum esse ducunt, Cancellariatus, egregius virtutis tuæ cāpus, pro omnium nostrum libertate & salute exercendæ? Ille verò ita te publicis ipsis reipub. magistratibus inserit, vt & ipsi te quidem illi, non modò vnum, sed etiam primum, ex suo numero esse constantissimè asseuerent, & nos, dum res tuas in hoc magistratu gestas, cum aliis rebus tuis gestis conferimus, cæteras quidem functiones publicas aliquam fortassis tui partem delibasse, hunc magistratum, totum te sibi rapuisse iudicemus; nec tamen, quod dicendum est, totum absorpsisse videamus. Nam vt ab iis, quæ pacis sunt, aliquando discedam, & de bello etiam ipso aliquid dicam. Castra mediufidius, & vniuersæ illæ exercituum reipub. nostræ, cohortes fortissimæ & numerosissimæ, non te iam quasi factum aliquem, & aliunde ad se missum ducem, sed quasi in ipsis suis visceribus conceptum, & optimo suo fato genitum imperatorem quendam, totum planè sibi vendicant; ne-

AD IO. ZAMOSCIUM

que te nisi ægerrimè, ad ipsa pacis negocia, idq. non
 ut in perpetuū à se ablegatum hominem, sed quasi ad
 tempus à repub. impetratum, à se reipub. commodat-
 um virum, è complexu ipso suo dimittunt; nec aliter
 reipub. ipsi utendum fruendum concedunt, quàm ut
 ne frustra, necessario ipso quolibet bellicæ expeditio-
 nis tempore, præsentiam tuam cogantur præstolari
 Interim autem dum abesse te sentiunt, pro præsentia
 ipsa tua, sua se illa gloria sustentant, quæ est fructus
 quidam immortalis, tot tam insignium victoriarum per
 te adeptarum, inprimis autem memoriam ipsam recē-
 tem amplectuntur patris tui: viri tum equitum præfe-
 cturis, tum imperio etiā militari, cum titulo aulicarum
 copiarum Ducis, & quod caput est, cum summa &
 fortitudinis ac prudentiæ laude, & patriæ dignitate
 pariter ac utilitate perfuncti: quem ipsum, in illa ipsa
 expressissima rerum tuarum gestarū imagine, assidue
 sibi videntur contemplari. Quid præterea? Etiam sa-
 cerdotes ipsi, & omnis ille sacratorum ac Deo dicato-
 rum virorum cœtus & conuentus venerandus, suum
 te planè esse gloriatur, & in eo, pro syngraphis quasi
 quibusdam, per te ad eam firmandam rem confectis,
 tuas illas statas ac solennes preces, diuino quotidie
 numini piè ac religiosè persolui solitas, tua etiam illa;
 ex ritualibus libris nostris deprompta, diuini peragen-
 di obsequii monumenta, quæ tu tuis manibus ad Dei
 laudem in dies terere non dubitas, cum cæteris omni-
 bus passim ostentat, tum sibi etiam ipsi, quasi pignora
 quædam retinet; atque his eiusmodi tam apertis tui
 erga

REGN. CANCEL.

erga se animi significationibus excitatus, libenter admodum in tuo praesidio conquiescit; atque, utinam conquiescat. Quid verbis opus est? Ita te omnes summi, medii, infimi, vnicè, ut dixi, complectuntur, ut singuli in solidum suum esse, non modò alacri animo fateantur, sed etiam ex iure quasi ipso, omnibus legibus repetant, & pro te tantum non digladientur. Iam enim, quod hoc denique loco dicendum est, ne illa quidem ociosorum, & ad ludicra natorum hominum turba, alienum te esse à suis studiis arbitrat: cuius tot tam lautè instructa conuiuia dilaudat, tot tam urbana dicta celebrat, tot tam magnificos praebitos ludos numerat, tot tam sumptuosa publicè edita spectacula cum voluptate praedicat, ut qui te propius non norunt, hi te, vnum hoc ferè dies noctesque meditari arbitrentur. Tu autem interim, dum obiter aures, oculos, ventres istorum pascis, omnes praeterea reipub. partes circumspicere non negligis, & ne quid fortè vspici claudicet, singulari tua prudentia prouides & procuras. Et omninò ita te geris, ut de te illud iam passim suauius admodum usurpari audiamus:

Omnis Aristippum decuit color, & status, & res.

Sic enim te das omnibus, sic omnium necessitati morem geris, sic te ad omnium quasi mores effingis in reipub. atque accommodas, ut qui te iam pridem suum esse dicunt, ii te ad alios totum commigrare minime patiantur; qui fortè interius nondum norunt, ii sensim miro quodam studio tui & amore assiduè magis atque magis exardescant. Merito te igitur Rex quo-

AD IO. ZAMOSCIVM

que ipse. At qui rex? quem quis in vita viderit optimum, maximum, prudentissimum, bellicosissimum. Merito te, inquam, Rex hic in oculis fert, & maximis in dies beneficiis cumulat: merito nunc etiam, quasi antea non sat suum fuisse existimauerit, ita nouo & recenti arctissimæ huius, quæ ex fratris germani filiæ nuptiis expectari potuit, affinitatis vinculo, sibi ac reipub. denuò deuinciendum esse iudicauit. Vt nemo iam in vniuersa, quàm latè patet, Polonia, esse ac viuere videatur, qui non aut te suum esse amet, aut se certè tuum esse concupiscat. Quæ cum ita sint, mirum sanè non est, si ego quoque inter cæteros, peculiari quodam iure meo, meum te esse & deputauerim semper, & nunc etiam deputem, patronum, defensorem, amplificatorem, rei, fortunæ, dignitatisque meæ. Qui mihi pridem benignitate tua singulari, & hæc quidem quæ dudum absoluta videbantur, vt possem, quantū opus sit, aliquando recognoscere, liberale ocium prouidisti; & si bene te noui, vt etiam deinceps maiora quædam possim, siue inchoata perficere, siue adeò ne inchoata quidem instituere, eadem illa beneficentia tua prouidebis. Quam ego incredibilem & penè diuinam animi tui erga me propensionem, vt aliquo saltē interea gratæ meæ voluntatis argumento, publicè testatam facerem, iccirco hoc istud, minorum fortasse, sed diuturniorum vigiliarum mearum munus, tibi esse censui dedicandum. Notæ sunt meæ in duas M. Ciceronis orationes. Quas vt benignè accipias, etiam atque etiam abs te peto. Minutula esse fortassis cui-

piam

REGN. CANCELL.


píam videbuntur. Verùm non, opinor, tibi; qui iam pridem tuam quoque industriam iuuenilem, in his eiusmodi ponere aliquando nō dubitauisti, & qui multorum item magnorum in Italia, Hispania, Gallia, Germania, virorum coniecturas, in hoc eodem genere enituisse cognouisti. Et profectò humilia iudicari non debent, quorum semper, ad veterum auctorum maximorum intelligentiam, vsus est habitus maximus. Et, si humilia sint, sicut planè primo aspectu ipso, eiusmodi apparent; tanto herclè pluris æstimanda, quanto in contemptibilioribus istis arculis, maior, multorum opinione thesaurus delitescit. Quod si quis etiam, ob id, quòd mea sunt, planè putet esse negligenda, is ita habeat. Primùm; & nos aliquando manum ferulæ subduxisse. Deinde, in maioribus quoque, tum profanis, tū ecclesiasticis quibusdam rebus, aliquod tamen ingenii nostri specimē eluxisse. Quod quidem præter cætera, quæ hætenus à nobis in publicum edita sunt, opera, repræsentare etiam poterunt Commentarii primùm actorum publicorum, litteris nostris olim consignati, dum opera nostra Regibus, quod scis, & rei pub. inferuïret. Quibus, si modò diu alicuius beneficio, oculi plusculum nanciscamur, vix eam, quam dudum prospectare videntur, lucem hominum, diutius posse videbimur inuidere. Tum autem demonstrare idem poterit liber alius, quem præ manibus iam habemus; in quem quidem non pauca coniecimus, quæ tranquillandis temporum nostrorum commotis religionibus apta esse existimauius. Opus argumento sublime,

AD IO. ZAMOSCIUM

usu necessarium, tractatione nouum. Cui in publicum
iam propemodum prodeunti, omnem beneuoli lecto-
ris attentionem, & gratam, vt sic dicam, audientiam,
merito fauere & optare debemus. Quorum omnium
operum sermo nostrorum, si cuiquam non prorsus pu-
tidus, aut aliàs visus est, aut deinceps fortè videbitur,
is sciat, nunquam nos, ad illa grandiora, nisi his humi-
lioribus, de quibus loquimur, quorumq. ad te gustum
hoc tempore mittimus, positis gradibus, ascendere po-
tuisse: & omninò quantuli sumus, haud ferè alia
re, quàm eiusmodi quasi humiliorum litterarum
studio etiam atq. etiam vrgendo, factos
esse. Bene vale. Cracouiæ Idib. Se-
ptembr. Anno Christi,
M. D. XXCIII.

CIC. LIB. II. DE DIVINAT

Bene qui coniecerit, vatem hunc
perhibeto optimum.



ANDR.

PATRICII NIDECICI

IN ORATIONEM

M. TVLLII CICERONIS

PRO Q. LIGARIO

Notæ.

ORATIO.



^{I.}
NOVVM crimen C. Cæsar, & an- CICERO
te hunc diem inauditum propinquus
meus ad te Q. Tubero detulit, Q.
Ligarium in Africa fuisse: idque
C. Pansa, præstanti vir ingenio,
fretus fortasse ea familiaritate, quæ
est ei tecum, ausus est confiteri. Itaque, quo me ver-
tam, nescio. Paratus enim veneram, cum tu id neque
per te scires, neque audire aliunde potuisses, ut igno-
ratione tua ad hominis miseri salutem abuterer. Sed
quoniam diligentia inimici inuestigatum est, quod
latebat: confitendum est, ut opinor: præsertim cum
meus necessarius C. Pansa fecerit, ut id iam inte-
grum

grum non esset: omissaque controuersia omnis ratio ad misericordiam tuam conferenda est, qua plurimi sunt conseruati, cum à te non solum liberationem culpæ, sed etiam veniã impetruissent. Habes igitur Tubero, quod est accusatori maxime optandum, confitentem reum, sed tamen ita confitentem, se in ea parte fuisse, qua te Tubero, qua virum omni laude dignum patrem tuum. Itaque prius de vestro delicto confiteamini necesse est, quàm Ligarii ullã culpam reprehendatis. Q. igitur Ligarius, cum esset adhuc nulla belli suspicio, legatus in Africam cum Proconsule C. Considio profectus est: qua in legatione & ciuibus & sociis ita se probauit, vt decedens Considius provincia, satisfacere hominibus non posset, si quenguam alium provincie præfecisset. Itaque Q. Ligarius, cum diu recusans nihil profecisset, provincia accepit inuitus: cui sic præfuit in pace, vt & ciuibus & sociis gratissima esset eius integritas & fides.

NOTAE.

PATRIC.

NOVVM CRIMEN &c.) Omnia hæc ironice loquitur. IN AFRICA FVISSE) & contra te pro Pompeio stetit. subaudio. Sed orator de industria odium rei atrocissimæ, verbis lenit ac mitigat quàm mollissimis.

IDQVE C. PANSA) Legerem ferè. ID QVOD. Refero autem ad, crimen, Id videlicet crimen Tubero detulit, quod iam
Pansa

Pansa est confessus. Ostendit autem neque nouum esse, quod alius ante Tiberonem est confessus, neque crimen ingens, quod praestanti vir ingenio dissimulandum aut celandum sibi esse non existimauit. Ita hic quoque ab ironia non discedit.

A V S V S E S T C O N F I T E R I) **A V S V S**, ironice plane loquitur, quasi de re magna, si diis placet. **A V S V S**, autem, **C O N F I T E R I**, non pro testimonio, ab accusatore productus aduersus Ligarium, ut aliquis existimet, sed dum, una cum Ligarii fratribus, Cæsari pro Ligario hoc nostro supplicaret. Alioqui non dixisset, confiteri, de teste aduersus eum productio: sed dixisset, dicere in eum: vel iam, profiteri, potius quam, confiteri.

P A R A T V S E N I M V E N E R A M C V M T V I D N E Q V E P E R T E S C I R E S, N E Q V E A V D I R E A L I V N D E P O T V I S S E S, V T I G N O R A T I O N E T V A A D H O M I N I S M I S E R I S A L V T E M A B V T E R E R) **P A R A T V S E N I M V E N E R A M**. Subaudi, tunc, **C V M T V I D** &c. Ita duo dicit in his quidem verbis superius praescriptis. Vnum, quo tempore scilicet defensionem Ligarii meditatus fuerit. Alterum, quomodo, & in quem finem meditatus fuerit. Quæ tamen ipsa, ironice etiam intelligenda sunt. Atque hæc quidem non pessimè dicuntur. Verum ego tamen totum ferè illud, **C V M T V I D N E Q V E P E R T E S C I R E S, N E Q V E A L I V N D E A V D I R E P O T V I S S E S**, aut abundare, quod magis putem, aut certè ita locandum esse, ut dicam, existimem. **P A R A T V S E N I M V E N E R A M, V T I G N O R A T I O N E T V A, C V M T V I D N E Q V E P E R T E S C I R E**. (Sic enim tunc ferè mallet, quam, **S C I R E S**,) **N E Q V E A V D I R E A L I V N D E P O T V I S S E S, A D H O M I N I S M I S E R I S A L V T E M A B V T E R E R**. Sed priorem opinionem tueor libentius ut abundare existimem. Hæc enim omnia, etiam si relinquerentur, non multa omnino habere in se videntur, quæ Ciceronem redoleant.

Q V O D L A T E B A T) Legerem. **Q V O D T E L A T E B A T**. Quin potius totum hoc delerem ferè ut glossema. Quod tamen si retinendum esset, illo quidem loco melius propemodum poneretur, **C V M I D Q V O D L A T E B A T, N E Q V E P E R T E S C I R E S**.

V T I D I A M I N T E G R V M N O N E S S E T) id est. Ut

mihî de hac causa, tanquam de re integra, & nondum in alteram partem præoccupata, minimè liceat deliberare. Quid tamen si legam, VT ID NEGARE INTEGRVM NON ESSET.

OMISSAQ. CONTROVERSIAM) quæ constat intentione actoris & depulsione rei.

OMNIS RATIO) Malo, OMNIS ORATIO.

NON SOLVM LIBERATIONEM CVLPÆ, SED ERRATI VENIAM) LBERATIONEM CVLPÆ, vti innocentes: ERRATI VENIAM, vti nocentes quidem, sed misericordiâ cōsecuti. Culpam enim appellat, quæ illis iure an iniuria obiciebatur, insimulationē qualemque (hoc enim inesse videtur in culpæ appellatione) errorem autem leuissimo nomine vocat id, cuius affines essent ii, qui contra Cæsarem stetissent. Notat Lambinus τ SOLVM, abesse à libris nonnullis MS. Quod quidem mihi quoque ipsi, vt verum fatear, in mentem veniebat, antequam ad eam, quam dixi, verborum intelligentiam peruenissem. Ac propterea quidem, illud etiam cogitabam, si forte sic legendum esset. NON SOLVM ERRATI VENIAM, SED CVLPÆ ETIAM LIBERATIONEM, vocibus transpositis.

IN EA PARTE FVISSE) in factione Pompeii. Pars, igitur pro factione.

SE IN EA PARTE FVISSE, QVA TE TVBERO, QVA VIRVM OMNI LAVDE DIGNVM PATREM TVVM) Supple, fuisse confiteretur: vel, fuisse ostendam. Alioqui planius erit, si legas, SE IN EA PARTE, QVA TE TVBERO, QVA VIRVM OMNI LAVDE DIGNVM PATREM TVVM, FVISSE. Atque hoc est potissimum in hac defensione telum in aduersarium vibratum & contortum.

PRIVS DE VESTRO DELICTO CONFITEAMINI NECESSE EST, QVAM LIGARII CVLPAM REPREHENDATIS) DE VESTRO DELICTO. Tuo scilicet & patris. CONFITEAMINI, etiam, tu & pater tuus. Culpam, autem appellat, vel, vt modò dixi, quamcunque insimulationem, vel certè loquitur ex accusatorum magis, quàm ex sua sententia. Quo de genere locutionis, dixi in ea pro Rabir. Post. n° 2. & quidem in hoc ipso culpæ vocabulo. Hic plura dicturus non eram, nisi in mentem venisset mihi, extitisse olim quendam

quendam æqualium meorum, qui sumpta ex hoc loco coniectura, delictum culpa maius esse arbitrari videretur. Quod ego tum sanè et si in medio relinquebam, tamen hoc quidem ex loco colligi posse non videbam. In quo ironiam etiam esse dixerim, hac sententia, Vos Tuberones in eadem fuitis factione Pompeii, in qua Ligarium fuisse, accusatis. Et tamen quod vos fecistis, delicti leuissimum nomine appellatis, Ligarium culpæ grauissimæ affinem facitis. Sed quicquid est, inquit, sanè de vestro peccatello prius confiteamini necesse est, quàm Ligario hanc tãtam scilicet notam inuratis. Primum igitur, & factum illorum, delictum, & factum Ligerii, culpam, non de iua, sed de Tuberorum ipsorum sententia, per summam ironiam appellat: cum vtraque vel paria, vel etiam in Tuberonibus atrociora esse, & videat ipse, & sentiat, & ab aliis videri ac sentiri velit. Deinde per eandem Ironiam, faceret ludit insulsi-
tatem Tuberorum ipsorum: vel potius, tacite quidem sed inuidiose admodum, iniquitatem eorum reprehendit, qui vnum atque idem crimen, alio vocabulo in seipsis dignentur, alio nomine in aliis designare non dubitent. Postremo tantum non admonet, vt ante omnia se ipsi respiciant, & quid ipsi egerint, quidne admiserint, diligenter etiam atque etiam secum considerent: atque tum demum ad accusandum alios accedant. Infrà 12. Non concedo, vt quibus rebus gloriemini in vobis, easdem in aliis reprehendatis. Ac alienam quidem illam de culpæ & delicti discrimine opinionem, video nunc etiam doctissimo viro non improbari. Et tamen quod semel in hoc genere scripsissem relinquentum esse existimaui.

LEGATVS CVM PROCOS C. CONSIDIO Quid si, absque, CVM. Sic. LEGATVS PROCONSULI C. CONSIDIO. Lambinus notat alicubi abesse, PROCOS.

VT DECEDENS CONSIDIVS PROVINCIA) Vltima vox si abesset, meo quidem iudicio, sententia non modò non laboraret, sed etiam & magis Romana, & magis Senatoria appareret. Præsertim cum statim sequatur rursus, Prouinciæ præfecisset. Sic mox. Cum diu recusans nihil profecisset, prouinciã accepit. RECUSANS, enim, intelligo, prouinciã: vt hic, DECEDENS, subaudiendum, prouinciã. Quod quidem verbum ipsum maximè proprium prouinciæ est.

SIC PRAEFVIT IN PACE) IN PACE, quoad scilicet pax esset, Sequitur enim statim, Bellum subito exarsit.

O R A T I O.

II.
CICERO.

Bellum subito exarsit: quod, qui erant in Africa, ante audierunt geri, quam parari. Quo audito, partim cupiditate inconsiderata, partim cæco quodam timore, primò salutis causa, post etiam studii sui quærebant aliquem ducem. Tum Ligarius domum spectans, et ad suos redire cupiens, nullo se implicari negotio passus est. Interim P. Actius Varus, qui Prætor Africam obtinuerat, Uticam venit. Ad eum statim concursus est, atq; ille non mediocri cupiditate arripuit imperium: si illud imperium esse potuit, quod ad priuatum, clamore multitudinis imperitæ, nullo publico consilio deferebatur. Itaq; Ligarius, qui omne tale negotium cuperet effugere, paulum aduentu Vari conquieuit. Adhuc C. Cæsar 2. Ligarius omni culpa vacat. Domo est egressus non modò nullum ad bellum, sed ne ad minimã quidem suspicionem belli: legatus in pace profectus, in provincia pacatissima ita se gessit, ut ei pacem esse expediret. Profectio certè animum tuum non debet offendere. Num igitur remansio? multò minus: nam profectio voluntatem habuit non turpem, remansio etiam necessitatem honestam.

NO-

NOTAE.

BELLVM EXARSIT) Ciuile scilicet.
 CVPIDITATE INCONSIDERATA) quòd faue- PATRIC.
 rent Pompeio.

COECO TIMORE.) quòd sibi à te nescio quid timerent.
 Falsum metum & inanem, pro Marcello appellauit n° 8. Sed tamen
 ibi cupiditatem ab eis remouet, vt & infra ibidem n° 11. Quam
 hic illis tribuit. De quo ipso, ita paulò inferius disputat, in eadem
 oratione n° 10. Ista causa, inquit, sceleris nomine adhuc caruit.
 alii errorem appellant, alii timorem, qui durius, spem, cupiditatem,
 odium, pertinaciam, qui grauissimè, temeritatem. Scelus præter te
 adhuc nemo.

PRIMO SALVTIS CAUSA) de qua timebant: POST
 ETIAM STVDII in Pompeium scilicet.

PRIMO SALVTIS CAUSA, POST ETIAM
 STVDII SVI QVÆREBANT ALIQVEM DV-
 CEM) Et si τ, SVI, ad STVDII, referri posse videatur, ta-
 men ego libentius pro eo reponerem, SIBI. Sibi quærebant a-
 liquem ducem. Sed probò Lambinum ex libris veteribus. PRI-
 MO SALVTIS, POST ETIAM STVDII SVI
 QVÆREBANT ALIQVEM DVCEM. Delet videlicet
 τ, CAUSA.

DOMVM SPECTANSET AD SVOS REDIRE
 CVPIENS) Quod sequitur, interpretatio est prioris: atq; haud scio,
 an assutū aliunde. Certè si absit, magis Senatoriam reddet orationē.

ITAQVE LIGARIVS QVI OMNE) legerem. IBI
 QVE LIGARIVS. Exponerē autem, IBI, in Africa scilicet.
 QVI OMNE TALE NEGOCIVM CVPERET
 EFFVGERE.) Delegerem, TALE. Modò enim. Nullo se, in-
 quit, implicari negocio passus est. Interdum legerem eiusmodi a-
 liquid. QVOM MILITARE NEGOCIVM CVPE-
 RET EFFVGERE.

ADVENTV VARI) Quid si, MANDATO VARI, vel,
 MANDATV, si dicere fas est, vt, iussu. Nam infra n° 3. necessi-
 tatis hoc crimen esse ait, si crimen est: non voluntatis. Sed abiici-
 enda forsan & repudianda, mandati coniectura est. Sic enim infra
 ibidem.

ibidem. Tertium tempus, quo post aduentum Vari in Africa restitit. Vbi apertè aduentus mentio fit, non mandati. Nisi fortè ex illo bono, huc perperam aduentus illatus sit. Libenter enim legerem, MANDATV, potius quàm, ADVENTV. Vide infrà 3.

ADHVC C. CAESAR) ADHVC, pro, ad hoc tempus, de quo dico. Est autem tempus profectiois in Africam. Quare mox egregiè. Ergo, inquit, hæc duo tempora carent crimine.

OMNI CVLPA VACAT) Nihil ei vitio verti potest.

LEGATVS IN PACE PROFECTVS, IN PROVINCIA PACATISSIMA ITA SE GESSIT) Quid? si distinguas. LEGATVS IN PACE (id est, missus tum, cum etiam pax vigeret. Infrà n° 18. sic. Legatus ante bellum profectus, relictus in pace. PROFECTVS IN PROVINCIAM PACATISSIMAM, ITA SE GESSIT. Nec obstat huic coniecturæ, quod statim infrà dicitur. Vnum, cum est Legatus profectus. Vtrumque enim bene dicitur.

PROFECTIO CERTÈ) Maneat. Sed tamen, Conclusio est, vt transeat ad alia.

ORATIO.

III.
CICERO.

ERGO hæc duo tempora carent crimine: vnum, cum est Legatus profectus: alterum, cum est flagitatus à prouincia, præpositus Africæ est. Tertium est tempus, quo post aduentum Vari in Africa restitit. Quod si est criminofum, necessitatis crimen est, non voluntatis. An ille, si potuisset illinc vlllo modo euadere, Vticæ potius, quàm Romæ: cum P. Actio, quàm cū concordissimis fratribus: cum alienis esse, quàm cum suis maluisset? cum ipsa Legatio plena desiderii ac sollicitudinis fuisset propter in-
credi-

*credibilem quēdam fratrum amorē, hic æquo animo
esse potuit belli dissidio distractus à fratribus? Nul-
lum igitur habes Cæsar adhuc in Q. Ligario signum
alienæ à te voluntatis. Cuius ego causam, animad-
uerte quæso, qua fide defendam, cū prodo meam.*

NOTAE.

EFFLAGITATVS A PROVINCIA) id est, à provin- PATRIC.
cialibus. EFFLAGITATVS, autem esse videtur, flagitando
impetratus.

NECESSITATIS CRIMEN EST) Ergo, mandante
Varo illum in Africa conquisisse, non male legitur. Vide suprā n°
2. Aduentu Vari.

VTICAE POTIVS QVAM ROMAE) Addo receptum
ex loco inferiore, ESSE MALVISSET.

CVM IPSA LEGATIO) Addo & præpono, ET, idē ex
fine præcedentis dictionis, MALVISSET. Sensus est. Potuitne
hic æquo animo esse in bello, sine fratribus, qui in pacatissima le-
gatione sua, fratrum desiderio conficiebatur?

DISTRACTVS A FRATRIBVS) Pro Marcello n° 1.
Comite distracto.

ALIENAE A TE VOLVNTATIS) Fortassis tollen-
dum, A TE, nam absque eo idem quod cum eo significat. Vel le-
gendum, ALIENATAE. pro, ALIENAE A TE.

CVM PRODO MEAM) Statim post exponit quomodo pro-
dat causam suam. Inquit enim post proximam periodum sic. M.
Cicero, defendit alium in ea voluntate non fuisse, in qua seipsum
confitetur fuisse.

ORATIO.

O Clementiam admirabilem, atque omni laude, ^{IV.} CICERO.
b prædi-

prædicatione, literis, monumentisque decorandam. M. Cicero apud te defendit aliam in ea voluntate non fuisse, in qua seipsum confitetur fuisse: nec tuas tacitas cogitationes extimescit: nec, quid tibi de alio audienti de seipso occurrat, reformidat. Vide, quàm non reformidem: Vide, quanta lux liberalitatis & sapientiæ tuæ mihi apud te dicenti oboriatur: quantum potero, voce contendam, ut hoc populus Rom. exaudiat. Suscepto bello Cæsar, gesto etiam ex magna parte, nulla vi coactus, iudicio meo ac voluntate ad ea arma profectus sum, quæ erant sumpta contra te. Apud quem igitur hoc dico? nempe apud eum, qui, cum hoc sciret, tamen me, antequam vidit, Reipub. reddidit: qui ad me ex AËgypto literas misit ut essem idem, qui fuisset: qui cum ipse imperator in toto imperio populi Rom. vnus esset, esse me alterum passus est: à quo, hoc ipso C. Pansa mihi nuncium perferente, concessos fasces laureatos tenui, quoad tenendos putavi: qui mihi tum denique se salutem putavit reddere, si eam nullis spoliata ornamentis redderet.

NOTAE.

PATRIC. IN EA VOLUNTATE NON FUISSE) Non dicit in ea factione, Hoc enim iam de Ligario confessus est. Sed ait, IN VOLVN-

VOLUNTATE, Nam et si Ligarius contra Cæsarem stetit, non voluntate id tamen factum Ligarii est: sed necessitate ipsa expressum.

REFORMIDAT. VIDE QVAM NON REFORMIDEM) Scribo. **REFORMIDAT** vide quàm non reformidem, **Lego, REFORMIDAT, AT VIDE QVAM NON REFORMIDEM.**

SVSCEPTO BELLO CAESAR) CAESAR, vocandi casu, ideo etiam comatis includendum.

NULLA VI COACTVS) Hoc dicit, quia Ligarium inuitum dixit remansisse in contrariis partibus.

ESSE ME ALTERVM PASSVS EST) Imperatorem scilicet. At quomodo? Concessis fascibus, ut mox scribit.

HOC IPSO PANSA MIHI NVNCIVM PERFERENTE) Eodem mihi Pansa te nomine prænuntiavit. **HOC IPSO**, autem, qui Ligarium in Africa fuisse, aulius apud te est confiteri n° 1.

ORATIO.

Vide quaeso Tubero, ut, qui de meo facto non dubitem dicere, de Ligarii non audeam confiteri. V.
CICERO.
Atque hæc propterea de me dixi, ut mihi Tubero, cum de se eadem dicerem, ignosceret. Cuius ego industriæ gloriæque faueo, vel propter propinquam cognationem, vel quòd eius ingenio studiisque delector, vel quòd laudem adolescentis propinqui existimo etiam ad meum aliquem fructum redundare. Sed hoc quaero, quis putet crimen esse, fuisse in Africa Ligarium? nempe is, qui & ipse in eadem Africa esse voluit, & prohibitum se à Ligario queritur, & certè contra ipsum Cæsarem est congressus armatus. Quid

b ij

enim

*enim Tubero, tuus ille districtus in acie Pharsalica
gladius agebat? cuius latus ille mucro petebat? qui
sensus erat armorum tuorum? quæ tua mens, oculi,
manus, ardor animi? quid cupiebas? quid optabas?
nimis vrgeo; commoueri videtur adolescens: ad me
reuertar.*

NOTAE.

PATRIC. VIDE QVAESO, TVBERO, VT QVI DE MEO
FACTO &c.) Coniungo. VT NON AVDEAM CONFLI-
TERI DE LIGARII FACTO, QVI DE MEO NON
DV BITEM DICERE. VT, autem positum pro, quàm. Iam
autem pro illo, QVI DE MEO FACTO: legat fortassis ali-
quis, QVOD DE MEO FACTO: vel potius, QVAE DE
MEO FACTO. Sic enim statim. Atque hæc, inquit, propterea
de me dixi: Illud autem, QVAE, intelligerem, voluntatem Liga-
rii ab armis contra Cæsarem abhorruisse, quod de seipso orator
paulò antè confessus est.

CVM DE SE EADEM DICEREM) DE SE, de Tu-
berone scilicet suprâ n° 1. Vbi & de ipso & de patre eius. Vide au-
tem mirum oratoris artificium, qui & vulneret quidem aduersari-
um, & tamen apud illum benevolentiam captare videatur.

QVIS PVTET CRIMEN ESSE) F. QVIS PVTAT.
CONTRA IPSVM CAESAREM EST CONGRES-
SVS ARMATVS) Aliquid videndum. Nam inter cætera, con-
gredi contra aliquem, videndum an vspiam legatur. Quid igitur si,
CONGRESSVS, absit? quid si in, CONSPECTVS, mu-
tetur? Vt sit, Conspectus est armatus, id est, visus est in armis con-
tra ipsum Cæsarem. Quid, si quid aliud? Quid etiam si sic? CON-
TRA IPSVM CAESAREM AD CONGRESSVM
ARMA TVLIT? vel potius, CONGRESSVRVS AR-
MA TVLIT. Infrâ n° 9. Tulit arma contra te.

COMMOVERI VIDETVR ADOLESCENS) Tu-
bero

bero scilicet. Atque etiam Cæsar ipse, ut est apud Quintilianum, magnopere verbis iisdem illis commotus fuisse fertur. cum diceret Cicero, Quid enim Tubero, inquit, tuus ille in acie Pharsalica districtus gladius agebat &c. Et Plutarchus in vita Ciceronis scribit, ad hanc solam Pharsalicæ aciei mentionem, tam commotum fuisse Cæsarem, ut cum prius dicis tantum causa audire Ciceronē pro eo dicentem voluerit, ipsum Ligarium pro condemnato iam habuerit, hoc loco perturbatum corripuisse se, & schedas, quas tum fortē gerebat, abiectisse, & denique contrā quā statuerat, reum absoluisse.

O R A T I O.

VI.
CICERO.

Isdem in armis fui. Quid autem aliud egimus Tubero, nisi ut, quod hic potest, nos possemus? quorum igitur impunitas, Cæsar, tuæ clementiæ laus est, eorum ipsorum ad crudelitatem te acuet oratio? Atq; in hac causa nonnihil equidem Tubero etiam tuam, sed multo magis patris tui prudentiam desidero: quod homo cum ingenio, tum etiam doctrina excellens, genus hoc causæ quod esset, non viderit. Nam si vidisset, quovis profectò, quàm isto modo à te agi maluisset. Arguis fatentem: non est satis. Accusatus eum, qui causam habet, aut, ut ego dico, meliorem quàm tu: aut, ut tu vis, parem. Hæc non modo mirabilia sunt, sed prodigiis similia, quæ dicam. Non habet eam vim ista accusatio, ut Q. Ligarius condemnetur, sed ut necetur. Hoc egit civis R. an-

te te nemo. Externi isti mores usque ad sanguinem incitare solent odium aut lenium Græcorum, aut immanium barbarorum.

NOTAE.

PATRIC. QVOD HIC POtest) HIC, Cæsar scilicet qui rerū potitur, NOS POSSEMV S) Rerum scilicet potiremur.

QVORVM IMPVNITAS TVAE CLEMENTIAE LAVS EST, EORVM ORATIO AD CRVDELLTATEM TE ACVET) Quasi de se & de Tuberone vtrunq; : sed certè, alterum duntaxat, quod est, IMPVNITAS, de vtroque : alterum, quod est, ORATIO, de Tuberone tantum ipso. Acute planè & ingeniosè, & cum singulari dexteritate Nisi fortè sua etiam oratione acui dicat Cæsarem, contra Ligarium, ideo quòd ipsum in contraria Cæsari factione fuisse fateatur. Dicit igitur, sed callidè omninò. Etiam si fortè in oratione mea aliquid eiusmodi sit, quod casu aliquo, contrà quàm cupiam, aduersus Ligarium te, o Cæsar, ad iracundiam concitet, id tamen profectò, à me sic dictum, Ligario nocere non debeat. Ita & de se modestè, & de aduersario leniter, & ad iudicem cautè, & pro reo vbique simpliciter loquitur.

HAEC NON MODO MIRABILIA SVNT, SED PRODIGIIS SIMILIA QVAE DICAM. NON HABET EAM) Aliquid videndum. Fortè sic. HAEC NON MODO MIRABILIA SVNT, SED QVAE DICAM PRODIGIIS SIMILIA. Hoc sensu. Non modò hæc quæ dixi mirabilia sunt, sed etiam illa quæ dicam, prodigiis sunt similia. Lambinus laudat veterem scripturam, PRODIGII SIMILE EST, QVOD DICAM.

NON HABET EAM VIM ISTA ACCVSATIO) Fortè. NON n. HABET. Quod est. NON ENIM HABET. Tale illud pro Marcello n° 14. Non n. fuit. Non enim fuit.

HOC EGIT CIVIS ROMANVS ANTE TE NE-
MO) Malim ferè, HOC MODO EGIT CIVIS ROMA-
NVS

NYS ANTE TE NEMO. Nam paulò superius. Quicuis profectò quàm isto modo à te agi maluisset. Et mox infra n° 7. Ne apud Dictatorem quidem quisquam egit isto modo. Sed relinquo, vt est. Sic enim statim. Nam quid aliud agis? Et in superiore exemplo. Istud ne apud Dictatorem quidem quisquam egit isto modo, Vtrumque videlicet coniungens.

EXTERNI ISTI MORES VSQVE AD SANGVINEM INCITARE SOLENT ODIVM AVT LEVIVM GRÆCORVM AVT IMMANIVM BARBARORVM) Significantius legeretur. EXTERNI ISTI MORES SVNT, QVI AD SANGVINEM INCITARE SOLENT ODIVM AVT LEVIVM GRÆCORVM, AVT IMMANIVM BARBARORVM. Nimirum ex, VSQVE, facio, SVNT QVI. Quid autem si sic. EXTERNI ISTI MORES AVT LEVIVM GRÆCORVM AVT IMMANIVM BARBARORVM SVNT, QVI AD SANGVINEM INCITARE ODIVM SOLENT. Lambinus, primùm ad oram librorum suorum addit, in vno manu scripto reperiri, SVNT, sed tamen cum VSQVE, Deinde in adnotationibz, laudat quatuor veterum cod. lectionem, INCITARI SOLENT ODIO. Atq; in eo philosophatur. De, SVNT quod dat, accipimus: reliquū aut nos pertexuimus, aut aliis relinquamus.

ORATIO.

N *Am quid aliud agis? vt Romæ ne sit, vt domo careat, ne cum optimis fratribus, ne cum hoc T. Brocho auunculo suo, ne cum eius filio consobrino suo, ne nobiscum viuat? ne sit in patria? num in patria est? num potest magis carere his omnibus, quàm caret? Italia prohibetur, exulat. Non tu ergo hunc patria priuare, qua caret, sed vita vis. At istud*

VII.
CICERO.

istud ne apud eum quidem Dictatorem, qui omnes, quos oderat, morte multabat, quisquam egit isto modo. Ipse iubebat occidi, nullo postulante: præmiis etiam inuitabat. Quæ tamen crudelitas ab hoc eodem aliquot annis post, quem tu nunc crudelem esse vis, vindicata est. Ego verò istud non postulo, inquires. Ita me hercule existimo Tubero. Noui enim te, noui patrem tuum, noui domum, noménq; vestrum: studia denique generis ac familiæ vestræ, virtutis, humanitatis, doctrinæ, plurimarum artium atque optimarum nota sunt mihi omnia.

N O T A E.

PATRIC. VT ROMAE NE SIT, VT DOMO CAREAT &c.) Hæc omnia, vsq; ad illud, NE SIT IN PATRIA, vel possunt ex Ciceronis persona interrogatiuè dici, vel ex persona Tuberonis, affirmanter. Quale illud mox. Ego verò istud non postulo.

CVM HOC T. BROCHO) qui cum fratribus Ligarii priuatim apud Cæsarem interposuit partes suas.

NVM IN PATRIA EST) Hæc à Cicerone ex sua persona dicuntur.

QVA CARET) Videndum an Ciceronis sit.

SËD VITA VIS.) Eleganter monosyllabo conclusa periodus, atrocitatis plena. Hoc magis quòd dissillabum quoque quod proxime antecedit, sono ipso suo persimile monosyllabo ipsi sit **VITA VIS.** Quod quidem ipsum si præterea adiuuet manus ipsius actio, ad exemplū eius cōposita, qui dextræ suæ sinum inuersa palma, his quasi ceruicem secare videatur, semel scilicet in verbo, **VITA**, iterum in verbo, **VIS**, valde, mea quidem sententia, energæ plena redderetur periodus hæc tota,

APVD

APVD EVM DICTATOREM. QVI) de Sylla.
 ISTVD) vel patria priuare, vel vita. Sed hoc potius.
 ISTO MODO) vt ciuis Rom. non condemnetur, sed nece-
 tur: hoc autem est, vt indemnatus necetur.

IPSE IVBEBAT OCCIDI) Respondet quasi tacitæ obie-
 ctioni. Nonne multi indemnati à Sylla occisi sunt? Occisi, inquit,
 sed nemine accusante, multò minus vt eo modo agere quisquā de-
 buerit. Quomodo igitur occisi? Iussu, respondet, ipsius Syllæ. Dicit
 autem, OCCIDI, id est, vt occideretur vnus, vel, occiderentur
 multi. Est enim verbum, nec persona definitum, nec numero.

NVLLO POSTVLANTE) accusante, aut in necem im-
 pellente. Atque hoc quidem, siue cum superiore iungas, IVBE-
 BAT OCCIDI NVLLO POSTVLANTE: siue cum
 insequentī, NVLLO POSTVLANTE PRAEMIIS E-
 TIAM INVITABAT, bene est. Sed cum superiore malo.

PRAEMIIS ETIAM INVITABAT) Non ad postu-
 landum, sed ad occidendum.

AB HOC EODEM) A Cæsare.

ALIQVOT ANNIS POST, QVEM TV NVNC
 CRVDELEM ESSE VIS) Vel tria priora, vel bis tria po-
 steriora verba, abundare videntur: vel certè posteriora prioribus
 sunt anteponenda. AB HOC EODEM, QVEM TV NVNC
 CRVDELEM ESSE VIS, ALIQVOT ANNIS
 POST VINDICATA EST.

VINDICATA EST) Nam exercenda de sicariis quæstio-
 ne, eos quoque sicariorum numero habuit, qui ob aliquem proscri-
 ptum à Sylla interemptum, pecunias ex ærario, iussu Syllæ acce-
 pisset. Scribit Suetonius in eius vita.

O R A T I O.

VIII.

CICERO.

ITaq, certò scio, vos non petere sanguinem: sed
 parum attenditis: res enim eò spectat, vt ea pæ-
 na, in qua adhuc Q. Ligarius sit, non videamini
 esse

esse contenti. Quæ est igitur alia præter mortem? si enim in exilio est, sicuti est: quid amplius postulatis? anne ignoscatur? hoc verò multò acerbius, multoq; est grauius. Quod nos domi petimus precibus & lachrymis prostrati ad pedes, non tam nostræ causæ fidentes, quàm huius humanitati: id ne impetremus, pugnabis, & in nostrum fletum irrumpes, & nos iacentes ad pedes supplicum voce prohibebis? Si cum hoc domi faceremus, quod & fecimus, & ut spero, non frustra fecimus, tu derepente irrupisses, & clamare coepisses. C. Cæsar caue credas, caue ignoscas, caue te fratrum pro fratris salute obsecrantium misereatur: nonne omnem humanitatem exuisses? quanto hoc durius, quod nos domi petimus, id à te in foro oppugnari, & in tali miseria multorum, perfugium misericordiæ tollere?

NOTAE.

PATRIC. PARVM ATTENDITIS) Non tam maleuolentia aut ignorantia, quàm imprudentia quadam, ut suprà dixit n° 6. Tuam & patris prudentiam desidero.

ANNE IGNO SCATVR) Tribus verbis. **AN**, **NE IGNO SCATVR**. An hoc, inquit, petitis, ne sit illi reditus & in gratiā Cæsaris, & in patriam. Adderem enim, **EI**, sic. **AN NE EI IGNO SCATVR**. Scriptum videlicet fuit. An, nE Ignoscatur.

QVOD NOS DOMI PETIMVS PRECIBVS ET LACHRYMIS) Legerem, **PETIIMVS**. Nam statim dicitur. Si cum hoc domi faceremus, quod & fecimus, Scribe, petimus, habebis,

habebis, petimus. Et planè sic Fabricius, teste Lambino: qui tamen ipse mauult deleri, DOMI. Manutius, vt nos.

NOS IACENTES AD PEDES SUPPLICVM VOCE PROHIBEBIS) PROHIBEBIS SUPPLICVM VOCE, id est, non permittes vti voce supplicum. Quid tamen si, MORE, pro, VOCE. vt referatur ad, iacentes supplicum. Sic. Nos ad pedes supplicum more iacentes, prohibebis, id est, iacere non permittes. Quid si etiam, SUPPLICES, pro, SUPPLICVM, extincto, vel non extincto verbo, VOCE. Extincto sic, Nos supplices iacentes ad pedes prohibebis, id est, non permittes ad pedes iacere? Vel non extincto sic. Nos supplices ad pedes iacentes, prohibebis voce, id est, non permittesne vocem vllam emittere?

IRRUPISSES) Fortè, IRRUISSES. Sed modò etiam dixit, irrumpes. In nostrum fletum irrumpes. Nisi hic quoque, irrues, legas.

QVOD NOS DOMI PETIMVS ID A TE IN FORO OPPVGN.) Fortè, PETIIMVS, vt iam dixi. Sensus est, Durum esset, si tum, cùm hac domi à Cæsare supplices petere-
mus, tu nos item domi à petitione prohibuisses, quanto igitur durius, id te in foro oppugnare, quod nos, vt consequeremur, non solum domi multa fecimus, sed etiam, quod spero, confecimus. Sic enim suprà. Et, vt spero, non frustra fecimus.

IN MISERIA MVLTORVM PERVGVIM MISERICORDIAE TOLLERE.) Propriè. Nam miseriæ debetur misericordia.

O R A T I O.

DICAM planè C. Cæsar, quod sentio. Si in hac IX.
CICERO.
tanta tua fortuna lenitas tanta non esset, quã-
tam tu per te, per te inquam, obtines (intelligo quid
loquar) acerbissimo luctu redundaret ista victoria.
Quam

Quàm multi enim essent de victoribus, qui te crudelem esse vellent, cum etiam de victis reperiantur? quàm multi, qui, cum à te nemini ignosci vellent, impedirent clementiam tuam, cum etiam ii, quibus ipse ignouisti, nolint te in alios esse misericordem? quòd si probare Cæsari possemus, in Africa Ligarium omnino non fuisse: si honesto & misericordi mendacio saluti cuius calamitosi consultum esse vellemus: tamen hominis non esset, in tanto discrimine & periculo cuius refellere & coarguere nostrum mendacium: & si esset alicuius, eius certè non esset, qui in eadem causa & fortuna fuisset. Sed tamen aliud est errare Cæsarem nolle, aliud nolle misereri. Diceres, Cæsar caue credas: fuit in Africa Ligarius: tulit arma contra te. Nunc quid dicis? Caue ignoscas. Hæc nec hominis, nec ad hominem vox est. Qua qui apud te C. Cæsar utetur, suam citius abiiciet humanitatem, quàm extorquebit tuam.

NOTAE.

PATRIC. INTELLIGO QUID LOQVAR) Scio enim à multis te ad saevitiam & ferocitatem instigari.

CVM ETIAM DE VICTIS REPERIANTVR) qui te scilicet crudelem esse vellent. & αὐτὸς οὐκ ἔστιν. Interdum tamē totum locum hunc legerem penè sic. QVAM MULTI ENIM ESSENT DE VICTORIBVS, QVI TE CRUDELEM

LEM ESSE VELLENT, CVM ETIAM DE VICTIS REPERIANTVR, QVI A TE NEMINI IGNOSCI VELLENT? QVAM MVLTII IMPEDIRENT CLEMENTIAM TVAM, CVM ETIAM II, QVIBVS IPSE IGNOVISTI, NOLINT TE IN ALIOS ESSE MISERICORDEM? Vulgo tamen legitur sic, QVAM MVLTII E. E. D. V. Q. T. C. E. V. C. E. D. V. REPERIANTVR? QVAM MVLTII, QVI CVM A TE NEMINI IGNOSCI VELLENT, IMPEDIRENT CLEMENTIAM TVAM, CVM ET LAM &c. Non pessimè illud quidem, sed.

QVOD SI PROBARE CAESARI POSSEMVS) Fortassis, CAESAR, vocandi casu, & inter commata. Nam supra. Dicam, C. Cæsar, quod sentio. Si in hac tua fortuna &c. Et infra. Qui hac voce apud te, C. Cæsar, vtetur &c. Hoc primum. Tum autem videndum quibusdam esse videbatur, an addita negatione legendum sit, QVOD SI PROBARE, CAESAR, NON POSSEMVS, IN AFRICA LIGARIVM OMNINO NON FVISSE, Et deinde. SED HONESTO ET MISERICORDI MENDACIO &c. pro, SI HONESTO ET MISER. Sed hoc nihil est, aut certè momentī perexigui. Illud maioris aliquanto: videndum, an illa duo verba, ET MISERICORDI, sint aliunde affuta.

ET SI ESSET ALICVIVS) subaudi, hominis.

SED TAMEN ALIVD EST) pro, SED, legerem, ET, duobus modò punctis præpositis: & pro, EST, ESSET. Sic, ET TAMEN ALIVD ESSET. Sensus est. Non deberes etiam tunc impedire clementiam Cæsarīs: Et tamen tunc quidē aliquam excusationē honestam haberes, te id facere, vt errorem Cæsarī eripias. Nunc autem, cum nullo apud eum mendacio, vtor, sed in Africa Ligariū fuisse confiteor, misericordiam modò victoris imploro, insultabisne tu vitæ ciuis calamitosi? Dicit igitur, ALIVD ESSET, ERRARE CAESAREM NOLLE, ALIVD NOLLE MISERERI. Quasi tu dicas. Aliud esset, apud Cæsarem nō sinere vtī mendacio, aliud, non permittere eum misereri.

DICERES) i. dicere, posses, tunc, cum mendacio aliquo salutem cui misero quæreremus, DICERES, autem vel tu Tuberō, vel alius quispiam, qui vellet coarguere nostrum mendacium,

& dices quidem honestè, & ad ingenium boni viri ac Cæsaris amici, peraccommodatè.

NVNC QUID DICIS, Malim. NVNC CVM DICIS, Sine interrogationis nota.

VTETVR, Rectius, VTITVR, vt propriè in Tiberonem contorqueri videatur. Nec obstat quod statim sequitur, ABIICIT, & EXTORQVEBIT: in futuro. Eleganter enim hæc ita dicuntur. Si das, accipiam. Si venis, cœnabimus.

QVAMEXTORQVEBIT TVAM, EXTORQVEBIT, non significat, per vim eliciet, quod ferè aliàs significat, sed, auferet, & eripiet.

ORATIO.

X.
CICERO.

AC primus aditus, & postulatio Tiberonis hæc, vt opinor, fuit, velle se de Q. Ligarii scelere dicere. Non dubito, quin adinatus sis: vel quòd de nullo alio quisquam: vel quòd is, qui in eadem causa fuisset: vel quidnam noui facinoris afferret. Scelus tu illud vocas Tübero? cur? isto enim nomine illa adhuc causa caruit. Alii errorem appellant, alii timorem: qui durius, spem, cupiditatem, odium, pertinaciam: qui grauissimè, temeritatem: scelus, præter te, adhuc nemo. Ac mihi quidem, si proprium & verum nomen nostri mali quæritur, fatalis quædã calamitas incidisse videtur, & improvidas hominũ mentes occupauisse: vt nemo mirari debeat humana consilia, diuina necessitate esse superata.

NO-

NOTAE.

AC PRIMVS ADITVS) Fortè, AT, pro, AC. Et sic in suo Manutius.

VEL QVOD DE NVLLO ALIO QVISQVAM) Subaudi, diceret, scelus illum admisisse, in eo, quod à te non steterit. **DE NVLLO** autem, cum dicit, intelligit, de nullo ex iis, qui cum Pompeio sentiebant. Quid si **DE NVLLO ALIO QVOQVAM**, vel **QVOPIAM**. Intellige, praterquam de Ligario, vellet dicere Tubero. Et hoc planè mallem.

VEL QVIDNAM NOVI FACINORIS AFFERRET) Tunc, inquit, cum in primo aditu & postulatione sua diceret Tubero, **VELLE SE DE Q. LIGARII SCelere DICERE**, non dubito quin miratus sis, quidnam afferret facinoris noui. **NOVI**, autem, cum dicit, respicere videtur ad suum illud, quo hanc suam pro Ligario exorsus est defensionem. **NOVVM, INQVIT, CRIMEN &c. FACINORIS**, ferè dederem, vel si quis refragaretur, etiam relinquerem: vel deniq, quod in quibusdam veteribus Lambinus scribit se reperisse, in, **SCELERIS**, commutarem.

ISTO ENIM NOMINE) Non est responsio ad interrogationem, sed maior etiam instantia quædam.

FATALIS QVAEDAM NECESSITAS) Pro Marcello n° 18. Miserum fataleq, bellum appellat.

DIVINA NECESSITATE ESSE SVPERATA) **DIVINA NECESSITATE**, illius scilicet fatalis calamitatis, cui ingenia humana cedere erat necesse.

ORATIO.

LICEat esse miseros, quanquam hoc victore esse XI.
CICERO.
non possumus. Sed non loquor, de nobis: de illis loquor, qui occiderunt. Fuerint cupidi, fuerint in-
ti, fa-

ti, fuerint pertinaces: sceleris verò crimine, furoris, parricidii liceat Cn. Pompeio mortuo, liceat multis aliis carere. Quando hoc quisquā ex te Cæsar audiuit, aut tua quid aliud arma voluerunt, nisi à te contumeliam propulsare? quid egit tuus ille inuictus exercitus, nisi ut suum ius tueretur & dignitatem tuam? quid? tu cū pacem esse cupiebas, idne agebas, ut tibi cum sceleratis, an ut cum bonis ciuibus conueniret? Mibi verò Cæsar tua in me maxima merita tanta certè non viderentur, si me ut sceleratum à te conseruatū putarem. Quomodo autem tu de Repub. bene meritus esses, si tot sceleratos incolumi dignitate esse voluisses? secessionē tu illam existimauisti Cæsar initio, non bellum: non hostile odium, sed ciuile dissidium, utrisque cupientibus Remp. saluam, sed partim consiliis, partim studiis à communi utilitate aberrantibus.

NOTAE.

PATRIC. LICEAT ESSE MISEROS) nos scilicet qui à Cæsare dissentiebamus. LICEAT ESSE. Już niedźay bedziemy.
 HOC VICTORE) Cæsare
 ESSE NON POSSVMVS) miseri scilicet.
 FVERINT CVPIDI) Liceat, inquit, appellare eos cupidos, iratos, pertinaces. Już niedźay bedź.
 SCELERIS VERO CRIMINE, FVRORIS, PARRICIDII, LICEAT CN. POMPEIO MORTVO
 CARE.

CARERE) Emphasis in singulis penè verbis. Nam & crimina, grauià sunt, & grauiora, si in magnos viros conferantur, & grauiissima, si in mortuos. Cn. autem Pompeium inter alios præcipuè nominat, quòd memoria eius potentix & auctoritatis tanta esset, vt leuissima etiam in eum aliquis conferre vereretur, nedum vt auderet hæc tanta.

QUANDO HOC QVISQVAM EX TE CAESAR AVDIVIT) HOC, crimen scilicet sceleris, furoris, paricidii, versari in hac causâ.

NISI A TE CONTVMELIAM PROPVLSARE.) Non eam aliis imponere. Tale illud statim. Nisi vt ius suum tueretur. Hoc est, non vt aliorum ius euerteret.

CVM PACEM ESSE CVPIEBAS.) ESSE, potest hinc abesse. Tempus autem illud designat, cum is ad Pompeium pacis conditiones mitteret.

VT CVM BONIS CIVIBVS CONVENIRET) Cum quibus igitur tibi convenit, eos non scelestos, sed bonos viros existimari voluisti.

TVA IN ME MERITA) Statim. Quomodo tu de repub. meritus esses. Ergo merita, & in pares sunt, & in inferiores, & in maiores.

NON HOSTILE ODIVM SED CIVILE DISSIDIVM) Sic in ea pro Marcello n° 8. Non ille hostes in curiam induxit &c. Hoc autem est, vt nos legimus, Non ille hostes in curia esse duxit.

VTRISQ. CVPIENTIBVS) Sensus non eiusmodi dissidium tu illud esse existimauisti, vt alterutra pars nostrum intrare rempub. voluerimus, sed potius, vt ad salutem ipsius, diuersis itineribus vtrisque nobis contendendum esse putaremus.

PARTIM CONSILIIS, PARTIM STVDIIS) Illud, propter aliquam speciem boni, hoc, propter alterutrius partis amicitiam & fauorem.

A COMMVNI VTILITATE ABERRANTIBVS) Vtrisque aberrantibus non puto. Sic enim ipsum quoq. vituperaret Cæsarem, quem hoc loco laudare instituit. Ad contrariam igitur Cæsari factionem hanc aberrationem referemus. Verum id quidem inuita ac renitente Ciceronis oratione fecerimus. Planè enim loquitur: **VTRISQVE BENE REIP. CVPIENTIBVS,**

TIBVS, SED ABERRANTIBVS. Quid igitur dicemus? Dicemus planè: Aberrantibus vtriusq; à communi utilitate, sed diuerfa ratione. Nonnulli enim, & quidem ex vtraq; parte, ABERRABANT A COMMVNI VTILITATE, CONSILIIS, vt hic ait. Cuiusmodi sanè fuerunt illi, qui bellum paci præferebant, &, vt alibi inquit, pugnare cupiebant. Nonnulli autem ex vtraque item parte, ABERRABANT AB EADEM ILLA COMMVNI VTILITATE, STUDIIS, quòd videlicet, partibus suis nimium addicti essent. Sed vtroq; modo, inquit, Cæsar, vituperabitur? Respondeo. Cùm de factionibus sermo est, non oportere ea quæ dicuntur, de singulis, qui in factione sunt, confirmari, satis esse, in aliquibus inueniri. Tum autem, quòd dicitur de iis, qui principes ipsos factionū secuti sunt, id etiam de principibus ipsis intelligi oportere, non est necesse.

O R A T I O.

XII.
CICERO.

P Rincipum dignitas erat penè par: non par fortasse eorum qui sequebantur: causa tum dubia, quòd erat aliquid in vtraq; parte quòd probari posset. Nunc melior certè ea iudicanda est, quàm etiam dii adiuuerunt. Cognita verò clementia tua, quia non eam victoriam probet, in qua occiderit nemo, nisi armatus? Sed vt omittam communem causam, veniamus ad nostram. Vtrum tandem existimas facilius fuisse Tubero, Ligarium ex Africa exire, an vos in Africam non venire? Poteramusne, inquit, cùm Senatus censuisset? si me consulis, nullo modo. Sed tamen Ligarium Senatus idem legauerat. Atq;
ille

ille eo tempore paruit, cum parere Senatui necesse erat: vos tunc paruiſtis, cum paruit nemo, qui noluit. Reprehendo igitur? minimè verò, neque enim licuit aliter vestro generi, nomini, familiæ, disciplinæ. Sed hoc non concedo, ut quibus rebus gloriemini in vobis, easdem in aliis reprehendatis.

NOTAE.

PRINCIPVM DIGNITAS) Vestra scilicet duorum, PATRIC.
tua, ô Cæsar, & Pompeii.

NON PAR FORTASSE EORVM QVI SEQUEBANTVR) QVI SEQUEBANTVR, vos duos scilicet, & vestras singulorum factiones. NON PAR, autem, quia cum Pompeio plures erant magistratus, aut ii qui fuissent olim in magistratu. Dicit autem, FORTASSE, ne offendant Cæsarem, si eos qui ipsum sequebantur, inferiores esse Pompeianis planè diceret. Quanquam ita quidem ut hic loquitur, non exprimit vtros vtros impares fuisse arbitretur.

ALIQVID QVOD PROBARI POSSET) Adderem propemodum, ET IMPROBARI. Sic, QVOD PROBARI ET IMPROBARI POSSET. Sed hoc tamen, etiam non additum, satis intelligitur ex iis quæ dicuntur,

NUNC MELIOR CERTE EA IUDICANDA EST, QVAM ETIAM DII ADIVVERVNT) Ex quo est illud Lucani.

Victrix causa deis placuit.

His autem verbis dicit hic Orator, idem illud, quod apud Liviū lib. 21. dicitur. Euenit belli æquum iudicem esse. Vide quæ nos diximus ibidem. Et illud pro Flacco apud nostrum n° 54. Quam chara diis immortalibus gens Iudæorum fuerit, ostendit, cum victa seruata est.

COGNITA VERO CLEMENTIA TVA, QVIS

d ii

NON

NON EAM VICTORIAM PROBET, IN QVA OCCIDERIT NEMO, NISI ARMATVS) Videndum quò hæc pertineat. Existimauim sanè pertinere, vel ad illa, quæ paulò antè præcesserunt. Quando hæc quisquam ex te audiuit? Et item. Quomodo tu de repub. bene meritus esses? Hoc sensu. Nunquam tu asperius factum illud nostrum appellasti, ne tum quidem, cum nos armis persequerere, ne tum etià quidem, cum nos in gratiam reciperes & conseruares. Nunc autem, cum omnes in tua victoria, participes clementiæ tuæ, acquiescimus, quid est cur dubitemus, factum nostrum, non tam atrox tibi videri, vt sceleris appellationem mereatur? Hoc primum. Vel iam ad illud, quod proximè præcessit, putare pertinere, cum dixit. Nunc melior certè ea iudicanda est, quam etià dii adiuuerunt. Hoc sensu. Olim quidem, quod hominibus erat dubium, dii ipsi causam tuam iustiore esse iudicauerunt, cum tibi victoriam concesserunt: nunc autem, cum in nobis tanta clementiæ tuæ indicia appareant, quis victoriam illam non laudet, & non amplectatur? Et hoc mallet.

SED VT OMITTAM COMMVNEM CAVSAM, VENIAMVS AD NOSTRAM) COMMVNEM, vtriusque nostrum, qui alterutras partes in ciuili dissensione secuti sumus. AD NOSTRAM, mihi tecum iudicialiter constitutam, in hac tua & Ligarii contentione. Atq; hic quidem locus vniuersus, præcipuus mihi esse videtur huius orationis, in quo orator omnes nervos contendat artificii & eloquentiæ suæ, & cuius gratia dixerit, cum alia quædam, tum illa vel maxime n° 6. In hac causa, inquit, & tuam Tubero, & patris tui prudentiam desidero. Et statim initio. Prius de vestro tu & pater tuus delicto confiteamini necesse est, quam Ligarii culpam vllam reprehendatis. Vrget enim maxime hoc loco aduersarium, nec eum aduersus tam clara non optimi erga Cæsarem animi indicia, hiscere quasi permittit. Ad hoc autem tam atrox & tam violentum prælium, lentissime ingreditur, vt & facilius reo opituletur, & iudicem sibi conciliet, & aduersarium nec opinantem opprimat, ac validius etiam feriat, si recens quasi & minime defatigatus, ad vulnus inimico infligendum accedat: & hæc tamen omnia faciat, animo minime perturbato, nec aduersario perirato.

POTERAMVS NE, INQVIES) Subaudi, in Africam non venire?

CVM SENATVS CENSVISSET) nos scilicet venire debere.

NVLLO MODO) subaudi, poteratis non venire.

SENATVS IDEM) Malim ITEM, id autem est, eodem modo.

EO TEMPORE PARVIT) Senatui se leganti.

CVM PARERE SENATVI NECESSE ERAT)
Cum etiamtum integra esset Senatus auctoritas, insolentis bellorum civilium nondum debilitata.

REPREHENDO IGITVR) factum scilicet vestrum, quod in Africam iueritis.

QVIBVS REBVS GLORIAMINI IN VOBIS)
cum dicitis scilicet, vos Senatui paruisse, & in Africam venisse.

EASDEM IN ALIIS REPREHENDATIS) maxime autem in Ligario, quod is Senatui paruerit, & in Africam iuerit.

O R A T I O.

Tuberonis fors coniecta est ex S. C. cum ipse non
adesset, morbo etiam impediretur: statuerat se
excusare. Hæc ego noui propter communes necessi-
tudines, quæ mihi sunt cum L. Tuberone: domi v-
nâ eruditi, militiæ contubernales, post affines, in
omni denique vita familiares: magnum etiam vin-
culum, quod iisdem semper studiis vsumus. Scio
igitur Tuberonem domi manere voluisse: sed ita qui-
dam agebant. ita Reip. sanctissimum nomen oppone-
bant, ut etiam si aliter sentiret, verborum tamen ip-
sorum pondus sustinere non posset. Cessit auctoritati
amplissimi viri, vel potius paruit: una est profectus
d in cum

XIII.
CICERO.

cum iis, quorum erat vna causa: tardius iter fecit. Inque in Africam venit iam occupatam. Hinc in Ligarium crimen oritur, vel in potius. Nam si crimen est prohibere illum voluisse, non minus magnus est, vos Africam, omnium prouinciarum arcem, natam ad bellum contra hanc urbem gerendum, obtinere voluisse, quam aliquem se impenitorem esse maluisse. Atque is tamen aliquis Ligarius non fuit.

NOTAE.

PATRIC. TUBERONIS SORS) patris tui, cum ex S. C. sortitus esset Africam.

CVM IPSE NON ADESSET) Tubero.

MORBO ETIAM IMPEDIRETUR: STATVERAT SE EXCVSARE) Fortassis melius. MORBO ETIAM IMPEDITVS. (vel, MORBO ETIAM IMPEDIENTE) STATVERAT SE EXCVSARE.

DOMI VNA ERVDITI) sub. fuimus, & sic in iis quae sequuntur. Nisi forte quis malit referre ad illud, SVMVS, quod sequitur. Quod quidem mihi non plane satisfacit.

ITA QUIDAM AGEBANT) cum eo scilicet loquebantur. Lamb. VRGEBANT, vel, ARGVEBANT.

VERBORVM IPSORVM) IPSORVM, non verborum: sed eorum qui verbis illis ad eum utebantur.

CESSIT AVCTORITATI VEL POTIVS PARVIT) Vide quae diximus in notis nostris in epistolam 20. lib. II. Att.

VNA EST PROPECTVS CVM IIS, QVORVM ERAT VNA CAUSA) VNA CAUSA, non simpliciter. Nam & ab vna parte Caesarianorum, & ab altera Pompeianorum, vna fuit causa, sed, CAUSA VNA, intelligo, secum, scilicet

Hoc,

IN OR. PRO LIGARIO.

Hoc autem est, Quorum causa erat vna secum. Quasi diceret, Cum iis profectus est, cum quibus ipse in causa consentiebat. Nimirum, cum iis in societatem belli venerat, quorum auctoritatem sequebatur. Ut mox dicit, Quid, si QVORVM ERAT IN VNA CAUSA. Vel simpliciter, QVORVM ERAT IN CAUSA. Sic infra n°. 17. Languidiore studio in causa fuistis. Et or. pro M. Marcello n°. 1. Qui in eadem causa in qua ego fuisset.

HINC IN LIGARIUM CRIMEN ORITVR) Pro Rabir. Post. n°. 4. Hinc primum exoritur crimen illud. HINC, autem significat hoc loco, quia scilicet receptus non esset in Africa. IAM OCCVPATAM) Ab adio Varo. Cæs. lib. 1.

SI CRIMEN EST PROHIBERE ILLVM VOLVISSE, NON MINVS MAGNUM EST) Si crimini, inquit, datis Ligario, quod vos Africa prohibere voluerit, nihilominus eodem vos atque etiam pari condemnabo crimine, quod vos eam obtinere voluistis. Ergo, NON MINVS MAGNUM EST, crimen, subaudio. Atque hic iam ferire aduersarium incipit, cum hactenus parcere ei videretur. Dum autem hunc incipit ferire, ante omnia reum ipsum tuetur ac defendit, & in tuto quasi collocat, cum dicit, Ligarium in culpa non fuisse, cum Tuberonis pater Africa prohiberetur.

NATAM AD BELLVM CONTRA HANC VRBEM GERENDVM) Quod quidem vel maximè patuit, tot & tam atrocibus bellis Punicis.

SE IMPERATOREM MALVISSE) SE, seipsum scilicet, quàm quenquam alium.

ATQVE IS TAMEN ALIQVIS) qui se scilicet imperatorem esse maluit.

NON FUIT LIGARIVS) Sed, ut statim loquitur, fuit Varus.

ORATIO.

Varus imperium se habere dicebat: fasces certè ^{XIII.} CICERO. habebat. Sed quoquo modo sese illud habet, hæc quere-

querela vestra Tubero quid valet? recepti in provinciam non sumus. Quid si essetis? Caesarine eam tradituri fuissetis, an contra eum retenturi? vide, quid licentiae Caesar nobis tua liberalitas det, vel potius audaciae. Si responderit Tubero, Africam, quo Senatus eum forsque miserat, tibi patrem suum traditurum fuisse: non dubitabo apud ipsum te, cuius id eum facere interfuit, gravissimis verbis eius consilium reprehendere. Non enim si tibi ea res grata fuisset, esset etiam probata. Sed iam hoc totum omitto, non tam ut ne offendam tuas patientissimas aures, quam ne Tubero, quod nunquam cogitavit, facturum fuisse videatur.

NOTAE.

PATRIC. SED QVOQVO MODO) Iam cominus gerere rem incipit.
QVID SI ESSETIS) recepti scilicet.

VIDE QVID LICENTIAE CAESAR) Semper iudicis animum in benevolentia erga se & reum ipsum studet conservare. Dicit autem si pro te aliquid se facturum fuisse adversarius dixerit, apud te ipsum gravissimè eum accusare non verebor. Hoc autè facit callidè. Sciebat enim, id dici ab adversario non potuisse: & si dictum fuisset, redarguisset potius ut falsum, quam ut malè factum reprehendisset. Atque ideo quidem statim alio defiliit, & se hoc totum omittere iam, inquit.

QVO SENATUS EVM) EVM, non ipsum qui respondet, sed patrem suum, quod statim sequitur.

CVIVS ID EVM FACERE INTERFUIT) CV-
IVS

IVS. Tua scilicet. Tuis enim tunc vtilitatibus seruitum fuisset. E-
VM, autem intelligo Tiberonem.

ESSET ETIAM PROBATA) Cui probata? Omnibus-
né in genere? Ita certe quidem. Non enim statim quod Cæsari con-
duceret, id à cunctis etiam esset approbatum. Sed hoc tamen apud
Cæsarem tunc dicere, cum is rerum potiretur, alienum profectò à
laude prudētis oratoris videretur. Ergo, ESSET PROBATA,
subaudiendum, tibi ipsi Cæsari. Non continuo, inquit, quod tibi
vtile, idem etiam probatum tibi ipsi videretur. Sed orator, dum
hoc ambigūe eloquitur, primū prudentiæ opinionem sibi com-
parat, deinde autem, in altero quidem sensu, ad veritatem loqui-
tur, in altero, ad Cæsaris fauorem.

SED IAM HOC TOTVM OMITTO) Suprà dixit.
Vt cōmunem causam omittam. Deinde. Sed quoquo modo se illud
habet. Hic. Sed iam hoc totū omitto, inquit. Prius communia omi-
sit. Tum de propriis loquens, leuiora omittit. Postremò ea etiam,
quæ videbantur grauiora. Quid restat igitur, nisi vt proferat gra-
uissima? Me verò in omnibus meis per omnem vitam actioni-
bus, semper illud in controuersiis exponendis maximè sollicitum
habebat, & maximè attentum, ad rationem defensionis, diligenter
meditandam faciebat, cum prudens & dicendi peritus accusator,
hæc & illa omittere se in causa, inquebat. Grauant enim profectò
hæc maximè respondentem, & cum eum, qui ea proponat, magnū
virum, ac liberali ingenio præditum, videri faciunt, tum defenso-
rem, quod caput est, & intelligentem, & acutum, & memorem, &
vt nunc loquimur, vrbani planè & in agendis causis ac geren-
dis rebus versatum requirunt.

NON TAM VT NE OFFENDAM TVAS PATI-
ENTISSIMAS AVRES) quanquam & hoc quidem. Ingra-
ta enim prorsus hæc erat Cæsari futura oratio, si intelligeretur, non
omnia siue à cæteris, siue ab ipso illo probari, quæ in ipsius grati-
am fierent & agerentur. Ergo & hoc quidem verum dicit, offen-
sum iri aures Cæsaris, eiusmodi commemorandis rebus, quod ip-
sum quoque per se magnum erat: sed noster in eo non acquiescit,
& maximo cum artificio, maius etiam quiddam affert, & longè
acutius. QVAM NE TVBERO. &c. inquit.

QVOD NVNQVAM COGITAVIT) Id, scilicet quod
nunquam cogitauit.

O R A T I O.

XV.
CICERO.

Venicbatis igitur in Africam, prouinciã vnã ex omnibus huic victoriæ maximè infestam, in qua erat rex potentissimus, inimicus huic causæ, aliena voluntas, conuentus firmi atq; magni. Quæro, quid facturi fuissetis? quanquam quid facturi fueritis, non dubitem, cùm videam, quid feceritis. Prohibiti estis in prouincia vestra pedem ponere, & prohibiti, vt perhibetis, summa cum iniuria. Quo modo id tulistis? acceptæ iniuriæ querelam ad quem detulistis? nempe ad eum, cuius auctoritatem secuti in societatem belli veneratis. Quòd si Cæsaris causa in prouinciã veniebatis, ad eum profectò exclusi prouincia venissetis. Venistis ad Pompeium. Quæ est ergo apud Cæsarem querela, cùm eum accusetis, à quo queramini vos prohibitos contra Cæsarem bellum gerere? atq; in hoc quidē vel cum mendacio, si vultis, gloriari per me licet, vos prouinciã fuisse Cæsari tradituros, etiam si à Varo & quibusdam aliis prohibiti essetis. Ego autem confitebor culpam esse Ligarii, qui vos tantæ laudis occasione priuauerit.

N O T A E.

PATRIC, (HVIC VICTORIAE) per Cæsarem partæ, Quanquam
videndum

videndum ne legendum sit, HVIVS, Vt intelligatur, Cæsaris. Sic mox, Inimicus huius causæ, potius quàm, huic causæ. Pro L-
NIMICVS, autem quoq; scriberem, INIMICIS S. Vt modo de rege eodem. POTENTISSIMVS.

ALIENA VOLVNTAS, CONVENTVS FIRMI
ATQVE MAGNI) ALIENA VOLVNTAS. Cuius
Africæ videlicet ipsius. Hoc autem est, Omnium qui Africam scilicet incolebant. Sed auget rem, cum absolute & præcisè loquitur, non homines ibi fuisse aliena voluntate, non terram ipsam alienæ voluntatis, sed ipsam alienam voluntatem. Quanquam ego quidē propemodū legerē sic: ALIENA VOLVNTATE CON-
VENTVS FIRMI, Vt significet, non tam in priuatis hominibus indicia extitisse alienæ volūtatis à Cæsare, quàm in conuentibus ipsis hominum. At in qualibus conuentibus num in solitariis, aut in imbecillis? Respondet, conuentus illos fuisse & FIRMOS, ne quis putet animis & voluntatibus fluctuabundos, & MAGNOS, vt significet fuisse frequentissimos.

QVÆRO QVID FACTVRI FVISSETIS) Atqui hoc iam se omittere velle dixerat. Sed hoc scilicet artis est, primū quasi omittere quæ institeras, deinde vrgere eadē illarationibus quidē diuersis, & eo tempore, cum iam videreris aliò transiturus fuisse.

QVID FACTVRI FVERITIS NON DVBITO,
CVM VIDEAM QVID FECERITIS) Plusquam manifestum animi & voluntatis indicium est, factum ipsum, quod apparet: cum voluntas magna interim latebrarum obscuritate sit inuoluta.

IN PROVINCIA) in Africa.

NEMPE AD EVM) Respondet ipse pro ipsis: vel non tam respondet quàm ostendit, quod necessario respondendum ipsis fuerit, si rei ipsi consentanea voluissent respondere.

VENISTIS AD POMPEIVM) Atque hoc est illud *ῥήμα*, quod maximè torquet & cruciat aduersarium. Merito igitur statim insert. Quæ est ergo apud Cæsarem querela vestra, cum &c. Videtur autem totum illud bis esse repetendum. VENISTIS AD POMPEIVM, VENISTIS AD POMPEIVM. Non ad Cæsarem videlicet, ad quem venire debueratis, si eius auctoritatem secuti ad bellum veniebatis.

QVAE EST IGITVR APVD CÆSAREM QVÆ

c ij

RELA

RELAT, CVM EVM ACCVSETIS, A QVO QVERAMINI VOS PROHIBITOS CONTRA CÆSAREM BELLVM GERERE.) Hic est fortissimus ille aries, qui causam aduersariorum euerit.

ATQVE IN HOC QVIDEM) Tantum & tam violentum telum in aduersarium contorsisse se intelligit, vt culpam etiam rei velit agnoscere & fateri, si id, quod in se vibratum & contortum est, aduersarius vlla ratione retundere posse videatur.

GLORIARI PER ME LICET) VOBIS, adderem, vel supplerem. Et sic Lambinus.

ETIAMSI A VARO) Legerem. NISI A VARO. Hoc magis quod alicubi sit, ETSI A VARO.

QVI VOS TANTAE LAUDIS OCCASIONE PRIVAVERIT) Inuidiosissimè, & quidem ex illorum persona. Est autem artificiosissima ironia. Ironia quidem, quod, cuius eos vel maximè pudere debeat, id illi in maxima scilicet laude ducant: illuisse Cæsari, & cum eius inimico coniuisse. Artificium autem, quod cum ipsi, Varum tantum & quosdam alios, in illa sui ab Africa prohibitione, accusarent, Ligarium suspitione tantum, idq; etiam leuissima aspergerent, noster tamen, ipsum etiam Ligarium, non diffiteatur, se esse ad illius facti societatem vtrò aggregaturum: vt ita optimè sibi esse conscius demonstret, si modò illi ostendere queant, se in Africam, Cæsaris potius quam Pompeii causa, tum temporis venisse. Ergo, TANTAE LAUDIS, vt vos quidem prætexitis, re autem vera tantæ vestræ turpitudinis, qui vos verbo, Africam Cæsari tradituros fuisse ostenditis, re, ad Pompeium vos eam delaturos fuisse, manifestissimè demonstratis. Quod est sceleris & simulationis vestræ summæ.

ORATIO.

XVI.
CICERO.

SED vide quæso C. Cæsar constantiam ornatissimi viri L. Tiberonis: quam ego, quamvis ipse probarem, vt probo, tamen non commemorarem,
nisi

nisi à te cognouissem inprimis eam virtutem solere laudari. Quæ fuit igitur unquam in ullo homine tanta constantia? constantiam dico: nescio an melius patientiam possem dicere. Quotus enim istud quisq; fecisset, ut à quibus partibus in dissensione civili non esset receptus, essetq; etiam cum crudelitate eiectus, ad eas ipsas rediret? magni cuiusdam animi atque eius viri est, quem de suscepta causa propositaq; sententia, nulla contumelia, nulla vis, nullum periculum posset depellere. Ut enim cetera paria Tuberoni cum Varo fuissent, honos, nobilitas, splendor, ingenium, quæ nequaquã fuerunt: hoc certè præcipuum Tuberonis fuit, quòd iusto cum imperio, ex S. C. in prouinciam suam venerat. Hinc prohibitus, non ad Cæsarem, ne iratus: non domum, ne iners: non aliquam in regionem, ne condemnare causam illam, quam secutus esset, videretur: in Macedoniam, in Cn. Pompeii castra venit, in eam ipsam causam, à qua erat reiectus cum iniuria.

N O T A E.

CONSTANTIAM ORNATISSIMI VIRI) Iro- PATRIC.
nia. Leuitatem enim notat viri honoris sui negligentissimi, & omnino inertissimi.

AN MELIUS PATIENTIAM) & stuporem, i3 sye
necquie.

e. iij

ESSET.

ESSETQVE ETIAM) Fortè. ESSET VERO ETIAM. Auget enim id quod modò dixerat. NON RECEPTVS. MAGNI CUIVS DAM ANIMI) Vbiq; ironiçs. Adderem autem ferè, ID, Magni cuiusdam animi id atq; eius viri est. QVAE NEQVAQVAM FVERVNT.) Inferior enim Varus illo fuit, iis omnibus.

PRAECIPVVM TVBERONIS FVIT) quo ipse Varum ipsum anteibat.

IUSTO CVM IMPERIO) IUSTO, legitimo, quia ex S. C. vt mox explicat. Non ex clamore multitudinis inconditæ, vt suprà dixit n° 2. Cùm autem iustum imperium appellat, blanditur manifestò Cæsari. Alioqui suprà dixit n° 12. Senatum tunc temporis legitimum quasi non fuisse, cui pareret nemo nolens.

NON ADCÆSAREM, NE IRATVS, NON DOMVM, NE INERS) Omnia ironicè. Irasci enim profectò debuit, quòd excluderetur, & multo maiorem inertiam existimare, ad eos ire, à quibus pulsus esset, quàm domum ipsam suam.

IN MACEDONIAM, IN CN. POMPEII CASTRA, IN EAM IPSAM CAVSAM) Hæc quidem quot sunt verba, tot sunt vulnera, animo aduersarii inflicta. Quanquam tò, IN EAM IPSAM CAVSAM, videndum esse puto.

ORATIO.

XVII.
CICERO.

QUID? cum ista res nihil commouisset eius animum, ad quem veneratis: languidiore, credo, studio in causa fuistis. Tantummodo in præsidiis eratis: animi verò à causa abhorrebant. An, ut fit in ciuilibus bellis, nec in vobis magis, quàm in reliquis, omnes vincendi studio tenebamur? Pacis equidem semper auctor fui, sed tum serò: erat enim amentis, cum acum videres, pacem cogitare. Omnes, inquam,

inquam, vincere volebamus : tu certè præcipue, qui in eam locum venisses, vbi tibi esset pereundum, nisi vicisses : quanquam, ut nunc se res habet, non dubito quin hanc salutē anteponas illi victoriæ. Hæc ego non dicerem Tubero, si aut vos constantiæ vestræ, aut Cæsarem beneficii sui pœniteret.

NOTAE.

QVID: CVM ISTA RES) Ostendit hætenus, quo ani- **PATRIC.**
mo fuerint in Africam. Nunc, quo animo in Pompeii castris, qui erat Cæsaris inimicus, versarentur, docet.

TANTVM MODO IN PRAESIDIIS ERATIS)
Tantum modò videlicet in castris Põpeni corpore versabamini, cau-
sam autem eius animis vestris non probabatis. Etenim videndum
fortè aliquid eiusmodi est, quale nunc dixi, an videlicet legi debeat.
**TANTVM CORPORE IN PRAESIDIIS ERA-
TIS SCILICET.** Sic enim pulchrè sequeretur. Animi verò à
causâ abhorrebant. Ut sit sensus. Dicis causâ tantummodo in præ-
sidiis eratis. Vel, dicis tantum causâ in præsidiis eratis : animis à
causâ abhorrebatis.

NEC IN VOBIS MAGIS) subaudi. Hoc fit. Non ma-
gis hoc fit in vobis quàm in reliquis. Sensus. Cùm aduentus vester
ad Pompeium nihil aut vobis profuisset, aut inimicis obfuisse, di-
cite, num ob id languidius eius causæ studuistis : an potius vos
quoq; non minus quàm ii qui Cæsari studebant, vincere volebatis.
Ergo **IN VOBIS**, qui cum Pompeio fuistis. **IN RELIQUIS**,
qui in Cæsaris partibus fuerunt.

PACIS EQVIDEM SEMPER AVCTOR FUI)
In parenthesi : ut iudicem in benevolentia retineat. Pertinet autem
ad illud, Omnes, inquit, vincere volebamus, me excepto, qui sem-
per pacis auctor fui, Quanquam serius quàm oportuerit.

**HANC SALVTÈ ANTEPONAS ILLI VI-
CTORIÆ.**

C T O R I A E) Et hoc ad eandem captandam beneuolentiam. Non dubito, inquit, quin à Cæsare malis seruatus videri, quàm vincere cum Pompeio.

Et reuera Romæ tunc temporis, omne genus gratiæ & beneuolentiæ Cæsaris, omnibus pæssim gratum, & vsq; ad ambitionem quasi quandam erat periucundum. Id eueniebat ex magnitudine Cæsaris gloriæ, quæ vbique vigebat, & ore omnium celebrabatur, sic, vt in quotacumq; gratiæ ipsius parte hæerere, gloriosissimū cuiq; videretur. Tale est illud in epistola ad Trebatium, de solo quidam Trebatio vsurpato, sed de communi quasi omnium Rom. sensu depromptum. Moriar, inquit noster, ni putem, malle te à Cæsare consuli quàm inaurari. Tam est fuitq; semper, ambitiosè, expetita res, principum virorum gratia. Scis, Zamosci, quid dicam. Ea est enim vestra: ego autem dico, etiam tua, dignitas, existimatio, rerum gestarum gloria, vt compellare vos, vt compellari à vobis, honorificentissimum esse existimemus. Quid beneficium à vobis accipere? quid in aliqua sede honoris à vobis collocari?

O R A T I O.

XVIII.
CICERO.

Nunc quæro, vtrum vestras iniurias, an Reip. persequamini. Si Reipub. quid de vestra in ea causa perseuerantia respondebitis? si vestras, videte ne erretis, qui Cæsarem vestris inimicis inatum fore putetis, cum ignouerit suis. Itaque num tibi videtur Cæsar in causâ Ligarii occupatus esse? num de eius factis dicere? quicquid dixi, ad vnam summam referri volo, vel humanitatis, vel clementiæ, vel misericordiæ tuæ. (Causas Cæsar egi multas, & quidem tecum, dum te in foro tenuit ratio honorum tuorum: certè

certè nunquam hoc modo. Ignoscite Iudices, errauit, lapsus est, non putauit, si vnquam posthac. Ad parentem sic agi solet. Ad iudices, Non fecit, nō cogitauit, falsi testes, fictum crimen. Dic te Cæsar de facto Ligarii iudicem esse: quibus in præsidis fuerit, quære, taceo. Ne hæc quidem colligo, quæ fortasse valerent etiam apud iudicē. Legatus ante bellū profectus, relictus in pace, bello oppressus, in eo non acerbus, tū etiā fuit totus animo et studio tuus. Ad iudicem sic agi solet. Sed ego ad parentē loquor. Erraui, temerè feci, poenitet, ad clementiam tuam confugio, delicti veniam peto, ut ignoscas oro. Si nemo impetrauit, arroganter: si plurimi, tu idem fer opem, qui spem dedisti.

NOTAE.

IN EA CAUSA) Legerem, IN EADEM CAUSA, PATRIC. vel, IN EA IPSA CAUSA, hoc autem est, in factione Pompeii, in qua vos quoque non minus quàm Ligarius perseuerastis. Sensus. Si, inquit, iniurias in Ligario persequimini, etiam profectò in vobis persequi eas debetis, qui in eadem cum Ligario causa fuistis ac perseuerastis. Lambinus ex vet. cod. legit pro, IN EA, IN ILLA. Reponamus igitur vtrumque, IN EA ILLA, & erit, quod nos diuinabamus, IN EA IPSA.

NVM TIBI VIDEOR) Vides ô Cæsar, inquit, omnem orationis meæ vim & rationem non tam in Ligarii facto occupari quàm in prædicatione clementiæ & humanitatis tuæ.

NON PVTAVIT) Hoc illud est, quod dicere negant esse sapientis. NON PVTARAM.

SI VNQVAM POSTHAC) Integrum, extat apud Terentium

rentium Phorm. Nunc omitte quæso hunc, cæterum posthac si quicquam, nihil precor.

IN EO NON ACERBVS, TVM ETIAM FVIT
TOTVS ANIMO ET STVDIO TVVS) Quid si. IN
EO NON ACERBVS TAMEN ETIAM FVIT: TO-
TVS OMNINO ANIMO ET STVDIO TVVS. IN
E-O, autem est, in bello.

ORATIO.

XIX.
CICERO.

AN sperandi Ligario causa non sit, cùm mihi apud te sit locus etiam pro altero deprecandi? quanquam neque in hac oratione spes est posita causæ, nec in eorum studiis qui à te pro Ligario petunt tui necessarii. Vidi enim & cognoui, quid maxime spectares, cùm pro alicuius salute multi laborarent: causas apud te rogantium gratiores esse, quàm preces: neque spectare, quàm tuus esset necessarius is, qui te oneret: sed quàm illius, pro quo laboraret. Itaque tribuis tu quidem tuis ita multa, vt mihi beatiores illi esse videantur interdum, qui tua liberalitate fruuntur, quàm tu ipse, qui illis tam multa concedis. Sed video tamen apud te causas, vt dixi, rogantium valere plus, quàm preces, ab iisque te moueri maxime, quorum iustissimum dolorem videas in petendo.

NOTAE.

PATRIC. CVM MIHI APVD TE) MIHI, in eadem causa olim
versato. NEQVE

NEQUE IN HAC ORATIONE) aut mea, aut Ligarii
confitentis delictum, & deprecantis.

SPES EST POSITA CAUSAE) Ligarianæ scilicet
apud te obtinendæ.

QVID MAXIME SPECTARES) Hoc totum viden-
dum, & quidem videndum, an abesse debeat. Sequitur enim, NE-
QUE SPECTARE.

NEQ. SPECTARE) Adderem, TE. & fortè sic, NON
TE SPECTARE. Lambinus simpliciter ex vet. cod. NE-
QUE TE SPECTARE.

O R A T I O.

IN 2. Ligario conseruando multis tu quidem gra-
tum facies necessariis tuis : sed hoc quæso consi-
derem, quod soles. Possum fortissimos viros Sabinos,
tibi probatissimos, totumque agrum Sabinum florem
Italiæ, robur Reipub. proponere. Nosti optimè ho-
mines. Animaduerte horum omnium mœstitiam &
dolorem. Huius T. Brochi, de quo non dubito quid
existimes, lachrymas, squaloremq; ipsius & filii vi-
des. Quid de fratribus dicam ? noli Cæsar putare de
vnius capite nos agere. Aut tres Ligarii tibi in ci-
uitate retinendi sunt, aut tres ex ciuitate exterminandi.
Quoduis exilium his est optatius, quàm patri-
a, quàm domus, quàm dii penates, vno illo exulante.
Si fraternè, si piè, si cum dolore faciunt, moueant
te harum lachrymæ, moueat pietas, moueat germa-
nitas,

XX.
CICERO.

nit as, valeat tua vox illa quæ vicit. Te enim dicere audiebamus, nos, omnes aduersarios, putare, nisi qui nobiscum essent : te omnes, qui contra te non essent, tuos.

NOTAE.

PATRIC. HOC CONSIDERA QVOD SOLES) *Causas scilicet rogantium.*

SI FRATERNE, SI PIE) *Fortassis.* SI ID FRATERNE. NOS OMNES ADVERSARIOS PVARE NISI QVI NOBISCVM ESSENT, TE OMNES, QVI CONTRA TE NON ESSENT, TVOS.) *Sensus. Nos aduersarios vocabamus, inquit, omnes qui nobiscum non essent, tu omnes eos vocabas tuos, qui modò contra te non essent.*

ORATIO.

XXI.
CICERO.

VIDēsne igitur hunc splendorem, omnem hanc Brochorum domum, hunc L. Martium, C. Cestium, L. Cornificium, hosce omnes equites Ro. qui adsunt veste mutata, non solùm notos tibi, verùm etiam probatos viros, qui tecum fuerunt? atque his maximè irascebamur, & hos requirebamus, & his nōnulli etiam minabantur. Conserua igitur tuis suos : vt, quemadmodum cetera, quæ dicta sunt à te, sic hoc verissimum reperiat. Quòd si penitus perspicere posses concordiam Ligariorum, omnes fratres tecum

tecum iudicares fuisse. An potest quisquam dubitare, quin, si Q. Ligarius in Italia esse potuisset, in eadem sententia futurus fuerit, in qua fratres fuerunt? quis est, qui horum consensum conspirantem & penè conflatum, in hac propè æqualitate fraterna non nouerit? qui hoc non sentiat, quiduis prius futurum fuisse, quàm ut hi fratres diuersas sententias, fortunâsque sequerentur? Voluntate igitur omnes tecum fuerunt. Tempestate abreptus est vnus: qui si consilio id fecisset, esset eorum similis, quos tu tamen saluos esse voluisti.

NOTAE.

QVI TECVM FVERVNT) Cum interrogationis puncto PATRIC. Et in fine. pendet enim ab illo. VIDES NE.

NONNVLII ETIAM MINABANTVR) Fortè, MINABAMVR. vt suprâ, irascebamur, requirebamus.

CONSERVA TVIS SVOS) TVI S, quos tu scilicet tuos appellas, quia contra te non essent. his conserua, eos qui sunt ipsorum, vel sanguinis, vel beneuolentiæ coniunctione.

SIC HOC VERISSIMVM REPERIATVR) HOC, quod dixisti, tuos esse qui contra te non essent.

SI Q. LIGARIVS) is, cuius causa agitur, si potuisset esse in Italia, tum cùm Legatus esset Confidio Procos.

CONSENSVM CONSPIRANTEM ET PENE CONFLATVM) CONFLATVS, an nomen, an participium, Illud, Consensum & penè conflatum conspirantem, hoc, Conspirantem & penè conflatum consensum. Vtrumque minus visita- tum, Ergo videndum.

QVI HOC NON SENTIAT) Repete ex superiore;
QVIS EST, QVI HOC NON SENTIAT.

ABREPTVS EST VNVS) Hic ipse Q. pro quo habetur
hæc oratio.

ESSET EORVM SIMILIS QVOS TV TAMEN
SALVOS ESSE VOLVISTI) Mallem ferè sic. ESSET
EORVM SIMILIS TAMEN, QVOS TV SALVOS
ESSE VOLVISTI.

ORATIO.

XXII.
CICERO.

SED ierit ad bellum, dissenserit non à te solùm,
Verùm etiam à fratribus: hi te orant tui. Equi-
dem cùm tuis omnibus negociis interessẽm, memoria
teneo qualis tum T. Ligarius Quæstor virbanus fu-
erit erga te & dignitatem tuam. Sed parum est me
hoc meminisse: spero etiam te, qui obliuisci nihil so-
les, nisi iniurias, quoniam hoc est animi, quoniam
etiam ingenii tui, te aliquid de huius Quæstoris of-
ficio cogitantem, etiam de aliis quibusdam Quæsto-
ribus reminiscentem recordari. Hic igitur T. Li-
garius, qui tum nihil egit aliud (neq. enim hæc di-
uinabat,) nisi vt tu eum studiosum & bonũ virum
iudicares: nunc à te supplex fratris salutem petit.
Quam huius admonitus officio cùm vtrisque his de-
deris, tres fratres optimos & integerrimos non so-
lùm sibi ipsos, neq. his tot ac talibus viris, neque no-
bis necessariis suis, sed etiam Reip. condonaueris.

NOTAE

NOTAE.

IERIT AD BELLVM) n° II. Fuerint cupidi, fuerint irati, fuerint pertinaces.

QUALIS FVERIT) cūm tibi scilicet ex arario tollere quantum velles permittebat. Sed quia hoc non omnibus placere Cicero intelligēbat, ideo rectē innuit potius quā exponit.

ETIAM DE ALIIS QVIBVSDAM QVAESTORIBVS REMINISCENTEM) Hoc non frustra addit Cicero. Fortassis autem aliquid de sua ipsius Quæstura, qua se mirifice extollebat semper. Sic igitur hoc diceret. Meministi, inquit, me quoque ipsum, in mea olim Quæstura, de te fuisse benemeritum, & ita dignū, qui nunc pro Ligario obtineam quæ velim. Sed hoc, ut puto, nihil est. Intelligo igitur de aliis Quæstorib. De iis scilicet, qui tibi effringenti ararium obstiterunt. Ut igitur istos amare non potes, sic T. Ligario hanc gratiam debes, ut Q. eius fratri omnia condones. Et Manutius quidem de iisdem dictum existimat.

HI TE ORANT TVI) Fortē. HIC TE ORANT TVI.

QVIA TVM NIHIL EGIT ALIVD) TVM, cūm esset Quæstor, & cūm tu quoque nihil eorum cogitares, quæ nunc es adeptus: NIHIL EGIT ALIVD, nihil à te scilicet aliud expectavit.

NEQVE ENIM HAEC DIVINABAT) HAEC, quæ in te fortuna nunc contulit.

VT TV EVM STVDIOSVM) Fortē. VT TVI EVM STVDIOSVM. Vel, VT TV TVI EVM STVDIOSVM. Etiam Lambinus & Manutius.

HVIVS ADMONITVS OFFICIO) precibus scilicet quas pro fratre fundit.

ORATIO.

XXIII.

CICERO.

FAc igitur quod de homine nobilissimo & clarissimo M. Marcello restituto fecisti nuper in curia.

ria.

*ria : nunc quidem in foro de optimis, & huic omni
 frequentiae probatissimis fratribus. ut concessisti illum
 Senatui, sic da hunc populo, cuius voluntatem cha-
 rissimam semper habuisti : & si ille dies tibi glorio-
 sissimus, populo R. gratissimus fuit, noli obsecro du-
 bitare C. Cæsar, similem illi gloriæ laudem quā se-
 pissimè quærere. Nihil est enim tam populare, quàm
 bonitas; nulla de virtutibus tuis plurimis nec grati-
 or, nec admirabilior misericordia est. Homines enim
 ad deos nulla re propius accedunt, quàm salute ho-
 minibus danda. Nihil habet nec fortuna tua ma-
 ius, quàm ut possis; nec natura tua melius, quàm ut
 velis conservare quamplurimos. Longiorem oratio-
 nem causa forsitan postulat, tua certè natura breui-
 orè. Quare cum utilius esse arbitrer te ipsum, quàm
 aut me, aut quenquam, loqui tecum, finem iam fa-
 ciam : tantum te admonebo, si illi absenti salutem de-
 deris, presentibus his omnibus te daturum.*

NOTAE.

PATRIC. ET-SI ILLE DIES) ILLE, Marcello videlicet restituto.
 POPULO ROM.) Fortè, R. P. hoc autem est, RFIPVBLICAE.

F I N I S.

PATRICII NIDECICI

IN ORATIONEM

M. TVLLII CICERONIS

PRO DEIOTARO REGE

Notæ.

O R A T I O.



VM in omnibus causis grauioribus
C. Caesar initio dicendi comoueri so-
leā vehementius, quā videtur vel
vsus, vel ætas mea postulare: tum in
hac causa ita me multa perturbant,
vt, quantū mea fides studii mihi af-
ferat ad salutem Regis Deiotari defendendam, tan-
tum facultatis timor detrahat. Primum dico pro ca-
pite fortunisque Regis: quod ipsum etsi non iniquum
est, in tuo duntaxat periculo: tamen est ita inusita-
tum, Regē capitis reum esse, vt ante hoc tempus non
sit auditum. Deinde eum Regem, quem ornare an-
tea cuncto cum Senatu solebamus, pro perpetuis eius

I.
CICERO.

*in nostram Rempub. meritis, nunc contra atrocissimum crimen cogor defendere. Accedit, ut accusatorum alterius crudelitate, alterius indignitate perturbetur. Crudelis Castor, ne dicam sceleratum & impiū, qui nepos auum in discrimen capitis adduxerit: a-
dolescenti. & suæ terrorem intulerit ei, cuius senectutem tueri & tegere debebat: commedationem incuntis ætatis ab impietate & scelere duxerit: aui
seruum corruptum præmiis ad accusandum dominū impulerit, & à Legatorum pedibus abduxerit. Fugitiui autem dominum accusantis, & dominum absentem, & dominum amicissimum nostræ Reip. cū
os videbam, cū verba audiebam, nō tam afflictam regiam conditionē dolebam, quā de fortunis communibus extimescebam. Nam cū more maiorum de seruo in dominum ne tormētis quidem quæri liceat,
in qua quæstione dolor veram vocem elicere possit etiam ab inuito: exortus est seruus, qui, quem in eculeo appellare non posset, eum accuset solutus.*

NOTAE.

PATRIC.

DICO PRO CAPITE FORTVNISQVE REGIS:
QVOD IPSVM ETSI NON INIQVVM EST, TAMEN EST ITA INVSITATVM, REGEM CAPITIS ESSE REVM, VT ANTE HOC TEMPVS NON SIT AVDITVM) Bifariam expono, Primum quidē
hoc,

hoc dicere mihi videtur. Perturbari me, inquit, ô Cæsar, necesse est. Quid ita? **DICO**, enim, inquit, **PRO CAPITE ET FORTVNIS REGIS**. Hoc est. Causa ipsa quam ago, eiusmodi est, in qua versatur caput & fortunæ, non cuiuslibet de grege hominis, sed regis: & omninò, in qua, vt statim ipse loquitur, si modo ipse loquitur, rex sit reus capitìs. **QVOD IPSVM**, dicere scilicet pro capite fortunisque regis. **ETSI NON EST INLQVVM, IN TVO DVNTAXAT PERICVLO**. Hoc est. Et si iustum est, reges etiam ipsos causam capitìs Romæ dicere, si minus iam in cæteris casibus, at in eo saltem (hoc enim valet **TV**, **DVNTAXAT**, sicut admonuimus in ea pro Marcello n° 13. ad verba illa. Casus duntaxat humanos pertimesco) qui tibi, in cuius salute salus nititur ciuitatis, periculum vllum vitæ afferre videatur, **TAMEN** hoc ipsum, quod dico esse non iniquum, **ITA EST INVSITATVM, VT ANTE HOC TEMPVS OMNINO SIT INAVDITVM**. Penè enim dixerim, totum illud, **REGEM CAPITIS ESSE REVM**, abundare, ad hanc quam dico accommodatum sententiam. Ad quamquidem etiam sententiam respiciunt illa, quæ leguntur inferius n° 2. cum ita loquitur Orator, adiuncta iam tamen persona iudicis, ad causæ ipsius rationem. Re, inquit, iniquum est, sed tua sapientia sit æquissimum. Nam dicere apud eum de facinore (hoc est enim, **DICERE PRO CAPITE ET FORTVNIS**) contra cuius vitam consilium facinoris inisse arguare, si per seipsum consideres, graue est: nemo enim est, qui sui periculi iudex, non sibi se æquior rem quàm reo præbeat. &c. Et statim ibidem. Tantam causam, quanta nulla vnquam in disceptatione versata est, dico intra domesticos parietes. Secundo expono sic. Perturbari me, ô Cæsar, inquit, necesse est. Non enim tantum causam præ manibus habeo maximam, vt priore interpretatione est dictum, sed ipsum etiam meum officium, in causa ipsa maxima, maximum esse sentio. **DICO**, enim, **PRO CAPITE ET FORTVNIS REGIS**, hoc autem est, defendo caput & fortunas regis. Quæ quidem mea defensio, etsi omni planè culpa vacare videatur (vt ab ea quidem parte timere nihil debeam, quasi indignum aliquid admittam) modo id fiat citra tuum ô Cæsar periculum. Tamen res ipsa, regem ipsum capitìs esse reum, tam atrox est, & tam inusitata, vt ante hoc tempus sit planè inaudita. Quamquidem ad sententiam, illa,

quæ dicam, pertinere videntur. Vnum, cum dicit paulò superius, Quantum, inquit, studii fides mea affert mihi, ad salutem regis Deiotari defendendam, tantum facultatis timor detrahit. Alterum inferius statim, Regem, inquit, quem antea ornare solebamus, eum nunc contra atrocissimum crimen cogor defendere. Atque in hac sanè sententiâ, pro illo, IN TVO PERICVLO, legendum videretur, SINE TVO PERICVLO. Quid interest inter has interpretationes? inquires. Dixi: sed dicam etiam pressius. In priore interpretatione, causæ magnitudo expenditur. In altera, officii difficultas, quæ est in defendendo eiusmodi reo, consideratur. Sed quæret etiam quispiam. Quid est, quod hoc quidem loco, NON INIQVVM, esse ait, id quod statim post n^o 2^o. RE IPSA INIQVVM ESSE, dicit? Respondeo. Eandem utrobique sententiam contineri: & quidem, si rectè attendamus, admodum expressam luculenter. Quod enim re ipsa iniquum esse dicit, id ipsum Cæsaris ipsius sapientiâ, non modò non iniquum sed etiam prorsus æquissimum fieri asseuerat. Usque adeò sanè, ut ex eo, quod dicimus, tertia quasi propositorum verborum expositio exculpi posse videatur, si dicas, NON INIQVVM ESSE, REGES CAUSAM CAPITIS DICERE, IN CAESARIS DVNTAXAT IPSIVS PERICVLO. Quomodo non iniquum in Cæsaris periculo? Quia Cæsar scilicet sua sapientiâ, illa etiam, quæ re iniqua sunt, æquissima facit videri. Nisi quòd hæc quidem eiusmodi interpretatio, bis idem ab oratore statim dici, & nullo operæ precio dici, planissimè argueret. Quod hoc quidem loco vix ferendum videretur. Primam igitur interpretationem faciliè cæteris antepono: quando secunda & tertia, si semel reciperetur, locum nullū iis quæ sequuntur, relinquere amplius videretur.

DEINDE EVM REGEM) Altera causa timoris & trepidationis. Nam præter consuetam illam in initiis omnibus orationum, trepidationem eius, primam causam attulit, hoc tempore timoris sui, rei scilicet & causæ ipsius magnitudinem, quòd scilicet rex capitis accusetur. Nunc causam affert alteram, quòd is rex accusetur, qui sit de repub. optimè meritis.

ACCEDIT) Tertia causa, ex personis accusatorum. Et ut semel dicam omnia. Quarta statim post, ex persona iudicis. Perturbat me C. Cæsar. Quinta ex ratione loci, ibi. Moueor etiam.

ALTERIVS CRVDELITATE) quia nepos in auum.

ALTE

ALTERIVS INDIGNITATE) quia feruus in dominū.
CRVDELIS CASTOR) Exponit crudelitatem vnius ac-
cusatoris.

AVI SERVVM CORRVP TVM PRAEMIIS AD
ACCVSANDVM IMPVLERIT) Distinguo. AVI
SERVVM, CORRVP TVM PRAEMIIS. Binis videlicet
non ternis, coniunctis verbis.

A LEGATORVM PEDIBVS ABSTRAXERIT)
LEGATORVM, cum quibus venit, dominum defensurus, in
causa capitis. Infra n° II. Qui cum legatis, inquit, missus esset.

FVGITIVI AVTEM) Indignitatem alterius accusatoris
explicare incipit.

DE SERVO IN DOMINVM) Vide pro Mil, 44.

O R A T I O.

II.

PER turbat me C. Cæsar etiam illud interdum: C I C E R O.

quod tamē, cū te penitus recognoui, timere de-
sino. Re enim iniquum est, sed tua sapientia sit æ-
quissimum: nam dicere apud eum de facinore, contra
cuius vitam consilium facinoris inisse arguare, si
per se ipsum consideres, graue est. Nemo enim ferē
est qui sui periculi iudex, nō sibi se æquiores, quā
reo præbeat. Sed tua C. Cæsar præstans singularis-
que natura hunc mihi metū minuit. Non enim tam
timeo, quid tu de Rege Deiotaro, quā intelligo,
quid de te cæteros velis iudicare. Moueor etiam lo-
ci ipsius insolentia, quod tantam causam, quanta nul-
la vnquam in disceptatione versata est, dico intra do-

domesticos parietes, dico extra conuentum & eam frequentiam, in qua oratorum studia niti solent: in tuis oculis, in tuo ore, vultuque acquiesco: te vnum intueor: ad te vnum omnis mea spectat oratio: quæ mihi ad spem obtinendæ veritatis grauissima sunt, ad motum animi, & ad omnem impetum dicendi, contentionemque leuiora.

NOTAE.

PATRIC. SI PER SEIPSV M CONSIDERES) Hoc est quod modò dixit. Si re ipsa consideres.

INTRA DOMESTICOS PARIETES) tuos scilicet.

IN QVA ORATORVM STVDIA NITI SOLENT)

Qua in exsultatione meas istas commentationes haberi velim in omni genere, id & paulò antè ostendi, cùm verba illa interpretarer. Quod ipsum etsi non iniquum est, in tuo duntaxat periculo: & nunc etiam in hac vna commentatione ostendam. Neque enim profectò, nisi pro coniecturis, & quidem interdum qualibuscunque, omnia per me afferuntur, quæ in medium afferuntur. Primum igitur fero vulgatam lectionem. Deinde si lubet, pro, **NITI**, legerem ferè hoc loco, **NITERE**. Quod verbum, cùm aliquis fortè legeret, & à verbo, niter, deductum esse crederet, niteo autem latine dici fortassis non existimaret, fecit, **NITI**, ex, **NITERE**. Alibi in ea contra Rullum dixit. Vestigalia nitere: Sed, vt dixi, vulgatum, **NITI**, minime repudio. Reuera enim oratorum studia, si hominum frequentiam nacta fuerint, nixa hac ipsa, altius assurgunt, & vt sic dicam, inflant vehementius. Atque id sanè, quod de **NITI**, diximus, vidit etiam Manutius, vt erat vir, qui in hoc genere multa vidit: & quidem antè etiam quàm nos ipsam ea vidisse videremus. ¶ **NITI**, igitur etiam Manutii auctoritate labefactum est. quod antea nesciebamus. **NITERE**, quod à nobis dudum allatum est, à tentantibus magis, quàm ab affirmantibus est allatum, vt cætera ferè in hoc genere omnia,

AD MOTVM ANIMI LEVIORA) Vide de opt. gen.
orat. 146.

O R A T I O.

III

CICERO.

Hanc enim C. Cæsar causam si in foro dicerem
eodem audiente & disceptante te, quantam mi-
hi alacritatem populi R. concursus afferret? quis e-
nim cuius ei Regi non faueret, cuius ætatem omnem
in populi R. bellis consumptam esse meminisset? spe-
ctarem curiam, intuerer forum, cælum denique te-
starer ipsum. Sic, cum & deorum immortalium, & po-
puli R. et Senatus beneficia in Regem Deiotarum
recordarer, nullo modo mihi deesse posset oratio. Quæ
quoniã angustiora parietes faciunt, actioque causæ
maximè debilitatur loco: tuum est Cæsar, qui pro mul-
tis sæpè dixisti, quid nunc mihi animi sit, ad te ipsum
referre, quo facilius tum æquitas tua, tum audiendi
diligentia minuatur hanc perturbationem meam.

N O T A E.

COELVM DENIQUE TESTARER IPSVM) Non PATRIC.
placet, TESTARER. Neque enim cum antecedentibus conue-
nit: quæ, omnia ad aspectum & intuitum ipsum, nulla ad attestat-
tionem aut refutationem videntur pertinere. Sed ne sequentibus
quidem ipsis aptè admodum iungi potest. Si enim post spectadam,
ut loquitur, curiam, & intucendum forum, cælum iam ipsum testa-
retur, & ut in tali re, vehementi illo dicendi genere vteretur, quid
est quæ-

est quæso, quod dicit, nullo modo tum temporis deesse sibi orationem posse? Illa verò iam tum eiusmodi incensa facibus, abundare certè & superesse potius quàm deesse mihi videretur. Vt omittam, quòd recordatio ipsa beneficiorum diuinorum erga Deiotarum regem, cuius rei statim facit mentionem, facilius ferè ex contemplatione, quàm ex attestatione cœli ipsius in mentem venire dici potest. Vacillat igitur, hoc loco, mea quidem sententia, testandi verbū, rot pressum incommoditatibus. Quid est autem quod pro eo reponendum censē? Dicam, quod potero. Principio, aliquid quærendum esse putē, quod spectandi & intueniendi verbo conueniat. Deinde, ne longum faciam, verbum contemplandi, tale prorsus esse existimem. Scribe enim sic. Denique testarer, Facile sanè ex eo feceris. Deniq. contēplarer. Vel scribe sic, Deniq; testarer. Facile feceris. Deniq. gtcēplarer. Equidem hoc ipsum contemplandi verbum, cum cœlo ac cœlestibus vsurpatum, cum alibi apud alios reperias, tum sæpe apud hunc nostrum. Rem autem ipsam quod attinet cuius hic fit mentio, sic propè loquitur in ea pro Plantio, verbo eodem contemplandi vsus. Conspectus, inquit, vester reficit & recreat mentem meam, cum intuear & contempler vnumquemque vestrum.

SIC CVM ET DEORVM IMMORTALIVM, ET POP. ROM. ET SENATVS BENEFICIA RECORDARE) Tria sunt, quorum singula, totidem etiam spectant superiora. Nam BENEFICIA DEORVM, spectant cælum, BENEFICIA POPVLI ROM. forum, SENATVS BENEFICIA curiam. Quæ omnia præcellerunt.

ACTIOQVE CAVSÆ MAXIME DEBILITATVR LOCO) Vel MAXIME DEBILITATVR. Vel CAVSÆ MAXIMÆ. Hoc etiam Lamb. ex vet. Cod. duobus.

AD TE IPSVM REFERRE) Hoc est, tuam personam in mea agere: vel, meam potius in tua.

ORATIO.

IV.
CICERO.

SED *antequam de accusatione ipsa dico, de accusato-*

cusatorum spe pauca dicam. Qui cū videantur neque ingenio, neque usu atque exercitatione rerum valere, tamen ad hanc causam non sine aliqua spe & cogitatione venerunt. Iratum te Regi Deiotaro fuisse, non erant nescii: affectum illum quibusdam incommodis & detrimentis propter offensionem animi tui, meminerant: teque cū huic iratum, tum sibi amicum cognouerint: cūque apud ipsum te de tuo periculo dicerent, fore putabant, vt in exulcerato animo facile fictum crimen insideret. Quamobrem hoc nos primū metu C. Cæsar per fidem & cōstantiam & clementiam tuam liberi, ne residere in te vllam partem iracundiæ suspicemur. Per dexteram te istam oro, quam Regi Deiotaro hospes hospiti porrexisti: istam, inquam, dexteram, non tam in bellis & in præliis, quam in promissis & fide firmiorem. Tu illius domum inire, tu vetus hospitium renouare voluisti: te eius dii penates acceperunt: te amicum & placatum Deiotari Regis aræ fociq; viderunt.

NOTAE.

AFFECTVM ILLVM) Affectum esse Deiotarum, ademptionem earū rerum, quæ à Senatu obtinuerat. Et vide quidem summam oratoris in dicendo cautionem Non enim dicit, Affectisti eum iratus incommodis & detrimentis. Sed dicit, Affectus est incommodis & detrimentis propter offensionem animi tui,

h

TVM

TVM SIBI AMICVM COGNOVERANT) SIBI,
Te scilicet tibi ipsi. Ostendunt id ea quæ statim sequuntur. Hæc dico, quod aliquis fortè existimet, τὸ, **SIBI**, ad ipsos qui cognouerant, non ad ipsum, quem cognouerant, referri oportere. Est enim ferè reciprocorum istorum vsus lubricus admodum & anceps. Hac tenus olim. Nunc, quod tanto antè prædixi, ecce euenit. Manutius enim noster τὸ, **SIBI**, .i. Castori, & tantum non Phidippo interpretatur. Videndum.

NON TAM IN BELLIS ET PRAELIIS, QVAM IN PROMISSIS ET FIDE FIRMIOREM) Viden-
dum. Aliquid fortassis eiusmodi. Non tam in bellis & præliis firmam, quàm in promissis & fide firmiorem. Nam & Prisc. lib. 3. hunc locum citans, nescio quid eiusmodi suggerit, & res etiam ferè ipsa. Alioqui 7. Fam. ita hoc extulit. Do tibi eum, inquit, de manu in manum tuam istam, & victoria & fide præstantem. Laminus legit, vt vulgo. Manutius haud scio an melius & verius. **NON IN BELLIS ET PRAELIIS, QVAM IN PROMISSIS ET FIDE FIRMIOREM** Citat autem vterque eundem illum Prisc. locum. Manutius verò etiam Ciceronis, eundem illum quem nos adduximus.

TV ILLIVS DOMVM INIRE) Mallem, VENIRE,
Sed alibi ab eodem, & cubile & conuiuium iniri dicitur.

ORATIO.

V.
CICERO.

Cùm facile exorari Cæsar, tum semel exorari soles. Nemo unquã te placuit inimicus, qui vllas resedisse in te similitatis reliquias senserit. Quamquam cui sunt inauditæ cū Deiotaro querelæ tuæ? nunquam tu illum accusauisti vt hostem, sed vt amici officio parum functū, quod propensior in Cn. Pompeii amicitiam fuisset, quàm in tuam. Cui tamen ipsi Regi

si Regi veniam te daturum fuisse dicebas, si tum auxilia Pompeio, vel si etiam filium misisset, ipse excusatione ætatis vsus esset. Itaq; cum maximis eum rebus liberares, perparvam amicitiae culpam relinquebas. Itaque non solum in eum non animadvertisti, sed omni metu liberauisti, hospitem agnouisti, Regem reliquisti. Neq; enim ille odio tui progressus, sed errore communi lapsus est.

NOTAE.

FACILE EXORARI, SEMEL EXORARI) *Præz PATRIC. proßon byé.*

CVI TAMEN IPSI REGI) REGI, vacare videtur. Et certè absq; eo pulchrius sonat.

SI TVM AVXILIA) Legerem. SI TANTVM AVXILIA. Hoc enim dicit. Veniam illi dedisses, si ipse ad Pompeium non iuisset, auxilia modò, vel filium etiam cum auxiliis misisset. Lambinus, SI, CVM AVXILIA POMPEIO, VEL FILIVM ETIAM MISISSET, IPSE EXCVSATI-ONE AETATIS VSVS ESSET. Meum malo, quia Lambinus in suo delet alterum, SI, in illo, VEL SI FILIVM ETIAM MISISSET. & tamen præterea, non tam efficacem sententiam complectitur.

CVM MAXIMIS EVM REBVS LIBERARES, PERPARVAM AMICITIAE CVLPAM RELINQVEBAS) Videndum. Maximis rebus liberare, est, iis rebus liberare, quæ grauissimæ obitici illi possent. Quid tamen si pro, REBVS, legas, CRIMINIBVS: vel, SCELERIBVS: vel fiet etiam hoc, REBVS, deleas: & legas. CVM MAXIMIS EVM LIBERARES (subaudi culpæ: repetito ex inferiori comate) PERPARVAM AMICITIAE CVLPAM RELINQVEBAS.

AMICITIAE CULPAM RELINQUEBAS) Culpa amicitiae, cum dicitur, tum, & pro reo simul defendendo, & pro captanda iudicis benevolentia dicitur. Culpam enim latetur, quod iudici, & omnino auditori gratum est: & tamen amicitiae etiam tribuit, non dolo malo, neque odio, ut statim dicit. Quod reo est magnopere conducibile.

REGEM RELIQVISTI) i. in statu & conditione regia manere eum voluisti.

NEQUE ENIM ILLE ODIO TVI PROGRESSEDVS) Scriberem, ille odio, Legerem, ILLE EO ODIO, Eo, autem aduerbialiter,

ORATIO.

VI.
CICERO.

IS Rex, quem Senatus hoc nomine saepe honorificentissimis decretis appellauisset, quiq; illum ordinem ab adolescentia grauissimum sanctissimumq; duxisset, iisdem rebus est perturbatus, homo longinquus & alienigena, quibus nos in media Rep. nati, semperq; versati. Cum audisset Senatus consentientis auctoritate arma sumpta. Consulibus, Praetoribus, Tribunis pl. nobis imperatoribus Remp. defendendam datam: mouebatur animo, & vir huic imperio amicissimus de salute populi Rom. extimescebat, in qua etiam suam inclusam esse videbat: in summo tamen timore quiescendum sibi esse arbitrabatur. Maxime vero perturbatus est, ut audiuit Consules ex Italia profugisse, omnesq; Consulares (sic enim nunciaba-

ciabatur) cunctum Senatum totam Italiam esse effusam. Talibus enim nunciis & rumoribus patebat ad Orientem via, nec ulli veri subsequerentur. Nihil ille de conditionibus tuis, nihil de studio concordie & pacis, nihil de conspiciatione audiebat certorum hominum contra dignitatem tuam.

NOTAE.

IS REX) Scriberem ferè. S. REX, & legerem, SCILL. PATRIC. CET REX.

HOC NOMINE) regis scilicet nomine. Videndum an abundet tamen hoc ipsum, HOC NOMINE.

LONGINQVVS ET ALIENIGENA) Nota, Longinquus, de eo qui longè abest.

REMPVB. DEFENDENDAM DATAM) Fortè, DEFENDI MANDATAM. Sed nihil muto.

MOVEBATVR ANIMO ET VIR HVIC IMPERIO AMICISS. DE SALVTE P. R. EXTIMESCEBAT) Mallem. MOVEBATVR ANIMO VIR HVIC IMPERIO AMICISS. ET DE SAL. P. R. EXT. vel, ET DE SALVTE R. P. EXT. vel, DEQ. SALVTE.

OMNESQ. CONSVLARES CVNCTVM SENATVM, TOTAM ITALIAM ESSE EFFVSAM) Hoc cine dicit. Totam Italiam ex Italia (sic enim modò dixit. Consul ex Italia profugisse) esse effusam? Minime. Quid igitur? Harolere. Conabor. Quod cum fecero, reliqua aliis permittam. Quid si? CONSVLARES, CVNCTVM SENATVM, PER TOTAM ITALIAM ESSE EFFVSOS. Nimirum addo, PER. & pro, EFFVSAM, EFFVSOS, propono. Sed propono tantum non etiam pronuncio. Nam ego conatum me tantum allaturum esse dixi ad eius loci explicationem: nihil aliud.

TALIBVS NVNCIIS ET RVMORIBVS PATEBAT AD ORIENTEM VIA) Conabor hic quoque rur-

sum aliquid: vt me in coniecturis versari, facile omnibus appareat. Quid igitur si, S C A T E B A T, pro, P A T E B A T. Nam sc. & p. paulum omninò differunt. Horat. Scatentem beluis pontum. Ergo, S C A T E B A T, id est, plena erat, talibus nunciis & rumoribus. *Novinami y wieściami.* Eos autē nuncios significat perfectio fuisse falsos, cum dicit, Nec vlli veri subsequebantur. Et statim ostendit, quomodo nulli veri nuncii ad Deiotarum perferebantur. Nimirum quia neq; conditiones aut studium pacis in Cæsare, neque conspirationes aduersus Cæsarem quorundam principum virorum, Deiotaro noti erant.

DE CONDITIONIBVS TVIS) à té latis.

DE STUDIO CONCORDIAE ET PACIS) TVO.

Atque id quidem ex vna parte.

NIHIL DE CONSPIRATIONE CERTORVM HOMINVM) ex altera parte.

O R A T I O.

VII.
C I C E R O.

QUæ cum ita essent, tamen usque eò se tenuit, quoad Cn. Pompeio ad eum legati litteræq; venerunt. Ignosce, ignosce Cæsar, si eius viri auctoritati Rex Deiotarus cessit, quem nos omnes secuti sumus, in quem cum dii atque homines omnia ornamenta conguessissent, tum tu ipse plurima et maxima. Neque enim, si tuæ res gestæ cæterorū laudibus obscuritatem attulerunt, idcirco Cn. Pompeii memoriam amisimus. Quantum nomen eius fuerit, quantæ opes, quanta in omni genere bellorum gloria, quanti honores populi R. quanti Senatus, quanti tui, quis ignorat? tanto ille superiores vicerat gloria, quanto tu omni-

*tu omnibus præstitisti. Itaque Cn. Pompeii bella, vi-
ctorias, triumphos, Consulatus admirantes numera-
bamus, tuos enumerare non possumus. Ad eum igitur
Rex Deiotarus venit hoc misero fatalique bello,
quem antè iustis hostilibusque bellis adiunxerat, quo-
cum erat non hospitio solum, verum etiam familiari-
tate coniunctus: & venit vel rogatus, ut amicus:
vel accersitus, ut socius: vel euocatus, ut is, qui se-
natui parere didicisset: postremò venit ut ad fugi-
entem, non ut ad insequentem, id est ad periculi, non
ad victoriæ societatem.*

NOTAE.

QUANTI HONORES POPVLI ROM. QVANTIPATRIC.
SENATVS, QVANTI TVI) subaudi, collati in eum fue-
rint. Vel, ex eius gloria redundarint. Vel, quid aliud. Sed totum id,
subauditum quàm expressum venustius sonat.

IUSTIS HOSTILIBVSQVE) Legitimis videlicet &
cum hostibus initis bellis. Opponit autem hæc misero illi & fatali
bello.

ORATIO.

I Taque Pharsalico prælio facto, à Pompeio disces-
sit: spem infinitam persequi noluit; vel officio, si
quid debuerat, vel errori, si quid nescierat, satis fa-
ctum esse duxit: domum se contulit: tēq. Alexan-
drinum

VIII.
CICERO.

drinum bellum gerente, vtilitatibus tuis paruit. Ille exercitum Cn. Domitii, amplissimi viri, suis tectis & copiis sustentauit. Ille Ephesum ad eum, quem tu ex tuis fidelissimum & probatissimum omnibus delegisti, pecuniam misit: ille iterum, ille tertio auctionibus factis pecuniam dedit, qua ad bellum vtereris: ille corpus suum periculo obiecit, tecumq, in acie contra Pharnacem fuit, tuumq, hostem esse duxit suum.

NOTAE.

PATRIC. PHARSALICO PRAELIO FACTO) Fortè, FLNITO, vel, PERACTO, vel si quis ferat, FRACTO. Sic pro M. Marcello n° 19. Fracta dissensio. pro, finita vel paracta. Si modò bene habet, fracta. Diximus ibi.

ORATIO.

**IX.
CICERO,**

Q*Uæ quidem à te in eam partem accepta sunt C. Cæsar, vt eum amplissimo Regis honore et nomine affeceris. Is igitur non modò à te periculo liberatus, sed etiam honore amplissimo ornatus, arguitur domi te suæ interficere voluisse. Quod tu, nisi eum furiosissimum iudicas, suspicari profectò non potes. Ut enim omittam, cuius tanti sceleris fuerit, in conspectu deorū penatium necare hospitem: cuius tanta im-*

tæ importunitatis, omnium gentium atq; omnis memorie clarissimum lumen extinguere : cuius tantæ ferocitatis, victorẽ orbis terrarum non extimescere : cuius tam inhumani & ingrati animi, à quo Rex appellatus esset, in eum tyrannum inueniri: ut hæc omittam, cuius tanti furoris fuit omnes Reges, quorũ multi erant finitimi, omnes liberos populos, omnes socios, omnes prouincias, omnia deniq; omnium arma contra se vnum excitare ? quonam ille modo cum regno, cum domo, cum coniuge, cum charissimo filio distractus esset, tanto scelere non modò perfectò, sed etiam cogitato ?

NOTAE.

CVIVS TANTI SCELERIS, CVIVS TANTÆ PATRIC. IMPORTVNITATIS, CVIVS TANTÆ FEROCITATIS, CVIVS TAM INGRATI ET INHVMANI ANIMI) Vide Liuii librum 23. in oratione Pacuuii ad Perollam. Reperies ibi profectò in compendio, quod hic copiosissimè amplificatum cernis.

IN EVM TYRANNVM INVENIRI, INVENIRI, id est, agnosci, & deprehendi. IN EVM, porrò, in Cæsarem, à quo Rex appellatus esset. TYRANNVM, autem ipsum Deiotarum intelligendum dico. Hoc sensu, Quis est tam ingratus & inhumanus, vt in eum tyrannus ipse esse velit, à quo fuerit rex appellatus ? Quid tamen, si quid aliud pro, INVENIRI, Quid si, VELLE FIERI, vel simile ?

QVONAM ILLE MODO, CVM REGNO, CVM DOMO, CVM CONIVGE, CVM FILIO DISTRACTVS ESSET) DISTRACTVS, fortassis significat, in
i diuersa

diuerſa tractum, & quaſi diſcerptum, à tot regibus, populis, ſociis, prouinciis, vnà cum ipſo regno & domo, & coniuge, & filio: quæ ipſa etiam, non minus quàm ipſe, diſtracta eſſent. Interdum expono. **DISTRACTVS CVM REGNO**, i. à regno, **CVM DOMO**, à domo, **CVM CONIVGE**, à coniuge, **CVM FILIO**, à filio, Sicut dixit in ea pro Ligario n^o 3. Diſtractus à fratribus. Interdum videndum eſſe puto, an ita legendum quis eſſe putet. **QVONAM ILLE CVM REGNO, CVM DOMO, CVM CONIVGE, CVM FILIO DISTRACTVS ESSET?** Quod ſi in cæteris veterem & vulgatam lectionem tuncmur, agè, pro, **DISTRACTVS**, quid ſi, **DISTRICTVS**? quid etiam ſi, **DESTRVCTVS**?

NON MODO PERFECTO, SED ETIAM COGITATO) Hoc dicit. Quonam modo exceptus eſſet, ſi modò tantum ſcelus, non dico, perfeciſſet, ſed cogitaſſet ſaltem,

O R A T I O.

X.
CICERO.

AT, credo, hæc homo inconfultus & temerarius non videbat. Quis conſideratior illo? quis teſtior? quis prudentior? quanquam hoc loco Deiotarum non tam ingenio & prudentia, quàm fide & religione vitæ defendendum puto. Nota tibi eſt C. Cæſar hominis probitas, noti mores, nota cōſtantia. Cui porro, qui modò populi R. nomen audiuit, Deiotari probitas, integritas, grauitas, virtus, fides non ſit audita? quod igitur facinus nec in hominem imprudentem cadere poſſet, propter metū præſentis exitii: nec in facinoroſum, niſi eſſet idem amentiffimus: id vos & à viro optimo, & ab homine minimè ſtulto cogitatum.

tatum esse confingitis. At quàm non modò non credibiliter, sed ne suspitiose quidem.

NOTAE.

QVIS TECTIOR) TECTIOR, id est callidior. Videntum, Quid si, TERSIOR, ACVTIOR, SOLERTIOR, ACRIOR, PERITIOR, SAGACIOR: vel aliquid tandem, quod significatione proximè accedat ad ingenium & prudentiam, quam hic se laudare in Deiotaro statim ait. Quid si, CAVTIOR: qui scilicet omnia provideat. Quid si etiam, CERTIOR: ut significet eum qui omnia habet explorata. Vet. Steph. totum hoc non habent, QVIS TECTIOR. Laudo. Laudo, inquam, vel ut absit, vel ut in, CAVTIOR, commutetur.

ORATIO.

CUm, inquit, in castellum Luceium venisses, & ^{XI.} CICERO.
domum Regis hospitis tui diuertisses, locus erat
quidam, in quo erant ea composita, quibus Rex te munere
constituerat. Huc te è balneo, prius quàm accumberes,
ducere volebat. Ibi enim erant armati, qui te interficerent,
in eo ipso loco collocati. En crimen, en causa, cur Regem fugitivum, dominum servum
accuset. Ego mehercule C. Caesar initio, cum est ad me ista
causa delata, Phidippum medicum servum regium, qui cum
Legatis missus esset, ab isto ipso adolescente existimavi
esse corruptum. Hac suspitione sum perculsus:
medi-

medicū indicem subornabit, finget videlicet aliquod crimen veneni. Et si à veritate longè, tamen à consuetudine criminandi non multum res abhorrebat. Quid ait medicus? nihil de veneno. At id fieri potuit: primò occultius in potione, vel in cibo, deinde etiam impuniùs fit. Quod cū est factū, negari potest: si palam te interemisset, omniū in se gentium non solum odia, sed etiam arma conuertisset: si veneno, Iouis illius quidem Hospitalis numen nunquam celare potuisset, homines verò fortasse cclauisset.

NOTAE.

PATRIC. **IBI ENIM ERANT ARMATI**) Malo, **IBI AVTEM.** Sed & infra n° 13, Ibi enim erant insidiæ.

IBI ENIM ERANT ARMATI, QVI TE INTERFICERENT, IN EO IPSO LOCO COLLOCATI) Distinguerem interpretando. **IBI ENIM ERANT ARMATI COLLOCATI.** Vt deinde reliqua iungantur sic. **QVI TE INTERFICERENT IN EO IPSO LOCO.** Sed quia & hoc totum, **IN EO IPSO LOCO,** et compositio ipsa, **LOCO COLLOCATI,** minimè, vt puto, Ciceronis est, videndum esse putem, an hoc, **IN EO IPSO LOCO,** glossema sit, τού, **IBI.** Si modò non etiam totum illud alienum est, **IN EO IPSO LOCO COLLOCATI.** Quanquam video oratorem statim quidem vti verbo, collocati, n° 12. Armatos vt collocati fuerant retinere.

AB ISTO IPSO ADOLESCENTE EXISTIMAVI ESSE CORRUPTVM) Deletem, **EXISTIMAVI.** Sequitur enim bene. **AB ISTO IPSO ADOLESCENTE ESSE CORRUPTVM, HAC SVSPITIONE SVM PER-**

PERCVLSVS. Ecce autem Lambino quoque videtur idem. Sed & Mureto idem videri, idem scribit. Libros etiam veteres & suos, & Mureti ad eam rem citat. Atqui ego cum coniecturam exponerem meam, nec Muretum vidi, nec Lambinum, nec codices eorum. Nunc video à Manutio nihil mutari. Ego interea vel in meo, quod dudum inueni, persisto, vel iam Lambino & Mureto assentio.

NON MVLTVM RES ABHORREBAT) Mallem, **ABHORREBIT.** Vt hæc scilicet ad expositionem eiusdem illius suspicionis pertinere videantur. Vt enim suprâ dixit, subornabit, & finget, ita hîc, **ABHORREBIT.** Quod mihi quidem non ineleganter inuentum, nec incitè huic loco adscriptum videretur, si idem aliis videretur. Videbitur autem, puto, si cum verbis ipsius orationis diligentius conferetur.

AT ID FIERI POTVIT, PRIMO OCCVLTIVS IN POTIONE, VEL IN CIBO, DEINDE ETIAM IMPVNIVS FIT, QVOD CVM EST FACTVM, NEGARI POTEST) **ID FIERI,** venenum propinari. Cætera ferè legerem sic. **AT ID FIERI POTVIT PRIMO OCCVLTIVS, IN POTIONE, VEL IN CIBO, DEINDE ETIAM IMPVNIVS, ID QVOD CVM ESSET FACTVM, NEGARI POSSET.** Vel potius sic, **DEINDE ETIAM IMPVNIVS. ET ENIM IMPVNIVS FIT, QVOD CVM EST FACTVM, NEGARI POTEST.** Vt ex vno, **IMPVNIVS,** ad aliud vicinum, **IMPVNIVS,** transitum fuerit. Vel potius sic, **DEINDE ETIAM IMPVNIVS, VT QVOD CVM EST FACTVM NEGARI POTEST.** Poterat id, inquit, fieri impunius, ut ferè sunt ea omnia, quæ cum facta sunt negari possunt. Hæc dicenda esse existimaui, siquidem lectioni vulgatæ nihil demendum, nihil detrahendum sit. Mihi verò nescio quemodo illa suspitio incidit, verba illa, **IN POTIONE VEL IN CIBO,** & item illa, **FIT, QVOD CVM FACTVM EST NEGARI POTEST,** vix Ciceronis germana videri. vtrumque enim glossema esse videtur, ad singula illa quæ proximè præcesserunt, appositum. Quàm enim multò melius sonat, cum legis. **AT ID FIERI POTVIT PRIMO OCCVLTIVS, DEINDE ETIAM IMPVNIVS.** Et mox explicat vtrumque primum quidem, quemodo impunius, quia, **SI PALAM INTERFE-**

CISSET, OMNIVM ARMA IN SE CONVERTISSET. Deinde, quomodo occultius, quia, SI VENENO INTERFECISSET, OMNES HOMINES CELARE POTVISSSET. Verba autem illa, IN POTIONE VEL IN CIBO, quonam quæso pertinent? Quid est enim extra cibum & potionem, in quo venenum tam facile præberi possit? an verò etiam ipsum per se, quasi sine aliqua esca præberi solet? Deinde autem illa quoque, QVOD CVM FACTVM SIT, NEGARI POTEST, magis equidem pertinere videntur ad id quod occultius fit, quàm ad id quod impunius; cum tamen ad verbum, IMPVNIVS, adhæserint.

O R A T I O.

XII.
CICERO.

*Q*uod igitur & occultius conari, & efficere cautius potuit, id tibi et medico callido & seruo, ut putabat, fideli non credidit: de armis, de ferro, de insidiis celare te noluit? at quàm festinè crimen cõtexitur? tua te, inquit, eadē, quæ semper, fortuna servauit. Negauisti tum te inspicere velle. Quid postea? an Deiotarus re illo tempore non perfectâ, continuò dimisit exercitū? nullus erat alius insidiandi locus? at eodē te, cum cœnauisses, rediturum dixeras: itaq; fecisti. Horam vnā aut duās eodem loco armatos, ut collocati fuerant, retinere magnum fuit? Cum in conuiuiō comiter & iucundè fuisses, tum illuc iuisti ut dixeras. Quo in loco Deiotarum talem ergate cognouisti, qualis Rex Attalus in P. Africanum fuit:

fuit: cui magnificentissima dona, ut scriptū legimus, usq. ad Numantiam misit ex Asia: quæ Africanus inspectūte exercitu accepit. Quod cum præsens Deiotarus regio & animo & more fecisset, tu in cubiculum discessisti.

NOTAE.

ET MEDICO CALLIDO) Sic enim cautius effecisset.

PATRIC.

ET SERVO, UT PV TABAT, FIDELI) Sic enim perfecisset occultius. Addit autem singulari iudicio, illud, UT PV TABAT. Nam infra ostendit infidelem fuisse.

DE ARMIS, DE FERRO) Credibile, inquit, non est de ferro te celatum non esse à Deiotaro, cum fueris celatus de veneno. Verisimilius enim multò erat, de veneno tibi concreditum fuisse, quàm de armis & ferro. Ergo cum de veneno, quod facilius tentari potuit, animum tibi suum non credidit; non est verisimile, de ferro, re omnium difficilima, aliquid eum cogitasse.

INSPICERE VELLE) ea scilicet quibus te Deiotarus constituerat munerare.

ITAQVE FECISTI) Duobus verbis, ITA QVE. Et ita.

COMITER ET IVCVNDE FVISSES) Acceptus, vel, habitus, putet fortè aliquis addendum esse. Ego nihil muto. Sic enim loquimur. Fui ad cœnam comiter & iucundè. Vel est adverbium pro nomine, COMITER ET IVCVNDE, pro comis & iucundus.

ORATIO.

O Bsecro C. Cæsar repete temporis illius memoriam: pone illum ante oculos diem: vultus hominum

XIII.
CICERO.

num te intuentium atque admirantium recordare. Num quæ trepidatio? num qui tumultus? num quid, nisi moderatè, nisi quietè, nisi ex hominis grauißimi & sanctißimi disciplina? quid igitur causæ excogitari potest, cur te lautum voluerit, cœnatum noluerit occidere? In posterum, inquit, diem distulit, ut, cùm in castellum Luceium ventum esset, ibi cogitata perficeret. Non video causam loci mutandi: sed tamen acta res criminose est. Cùm, inquit, vomere post cœnam velle te dixisses, in balneû te ducere cœperunt. Ibi enim erant insidiæ. At te eadem tua fortuna seruauit: in cubiculum te ire malle dixisti.

NOTAE.

PATRIC. SED TAMEN ACTA RES CRIMINOSE EST, ita est acta vt criminationi sit obnoxia. Quid si. SED TAMEN TOTA RES CRIMINOSA EST, i. conficta sic, vt pateat criminationi. Quid si etiam, EST O, pro, EST. VOMERE POST COENAM TE VELLE DIXISSES) Vomere. Vt si quis apud nos dicat, dormire, vel ludere. Ita erat hoc veteribus atque adeo Cæsari ipsi vsitatum. Ex quo dixisse illud videtur Seneca. Placere sibi cibum, qui non sit rediturus qua intrauerat.

ORATIO.

XIIII.
CICERO,

DII te perdant fugitiue: ita non modò nequam et improbus, sed & fatuus & amens es. *Quid ille*

ille signa ænea in insidiis posuerat, quæ è balneo in cubiculum transire non possent? Habes crimina insidiarum: nihil enim dixit amplius. Horum, inquit, eram conscius. Quid tum? ita demens ille erat, ut eum, quem conscium tanti sceleris habebat, à se dimitteret. Romam etiam mitteret, ubi & inimicissimum sciret esse nepotem suum, & C. Cæsarem, cui fecisset insidias, præsertim cum is unus esset, qui posset de absente se vindicare? Et fratres meos, inquit, quod erant conscii, in vincula coniecit. Cum igitur eos vinciret, quos secum habebat, te solutum Romam mittebat, qui eadem scires, quæ illos scire dicis.

NOTAE.

SED ET FATVVS) SED ETIAM FATVVS. PATRIC.

TRANSIRE) Acutè simul & lepidè. De signis, ut de hominibus. De inanimatis, ut de animatis ipsis. Quid ita? Verbo enim ad signa illa ænea respicit, quorum modò fecit mentionem: cogitatione autem respicit ad homines illos armatos, qui dicuntur fuisse in insidiis collocati.

NIHIL ENIM DIXIT AMPLIVS) DIXIT, Philippus scilicet, in hoc insidiarum factarum crimine. AMPLIVS, autem præterquam id quod dixi. Nam quod statim sequitur, appendicem esse rei existimo, non rem ipsam. Quod autem sequitur aliquanto post n°. 15. ad alias accusationis partes pertinet, non ad crimen insidiarum.

QVID TVM? ITA DEMENS ILLE ERAT) Mallem. QVID TV? AN ITA DEMENS ILLE ERAT. QVID TV? autem, subaudi. blateras: vel quid eiusmodi

k

CVM

CVM IS VNVS ESSET, QVI POSSET DE ABSENTE SE VINDICARE) Suprà dixit n°. 9. Si necasset Cæsarem, omnes reges, omnes liberos populos, omnes seruos, omnes prouincias, omnia deniq; omnium arma excitaturum illum contra se vnum fuisse. Et paulò post n°. 12. Si te, inquit, p. lām interemisset, omnium in se gentium, non solùm odia, sed etiam arma conuertisset. Quomodo igitur hic vnum Cæsarem esse dicit, qui posset se de absente vindicare? Nisi fortè dicas, cæteros omnes, in præsentem tantùm homicidam Deiotarum, aliquod signum vindictæ statuere potuisse, vnum Cæsarem etiam in absentem. Videntum igitur. Cùm hæc scripsissem, vidi Lambinum, qui se in eius loci emendatione, primùm Victorio assentiri scribit, ac legere ferè, INDICARE, pro, VINDICARE. Deinde suam quoque coniecturam adscribit, &, IV DICARE, legendum videri admonet: quod in vno ex veterib. suis manuscriptis liquidò se affirmat reperisse. Inter quas ego quidem vtriusque coniecturas, illud interesse perspicio, quòd si legas cum Victorio, INDICARE, sermo erit de Phidippo. CVM IS VNVS, intellige Phidippus. Sin legas cum Lambino, IV DICARE, de Cæsare dictum accipiemus. CVM IS VNVS, Cæsar scilicet. Vtrumque non displiceret, nisi quòd verba illa, DE SE ABSENTE, me tamen nonnihil torquent, cùm in vtraque expositione, tum in Lambiniana etiam magis. Pro Victorio enim sic exponerem. Vnus erat Phidippus, qui de Deiotaro posset Cæsari indic. re: hoc etiam magis quòd de absente. Sed tamen sic quoq; non desinunt me verba hæc torquere. Si libros Victorii illos posterioris editionis vidissem, de quibus Lambinus facit mentionem, facilius fortassis quid mihi sentiendū sit, statuere potuissem. Nunc iustineo sententiam. Atqui modò quidem libros Victorii iam vidi, quos concupiui. Quid quæris? iterum dico, Victorium nō omnino displicere. Vide cap. 12. lib. 28. var. lect. Statim enim vt librum acceperissem, locum inquisiui. Cùm autem in eo libro euoluendo longius progressus essem, incidi in librum 31. cap. 11. quo quidem in loco vir optimus & doctissimus amicissimam nostri nostrarūque, quæ olim iam in lucem prodierunt, in Ciceronis Aratea emendationum facit mentionem. In quo ipso, cùm satis animum ipsius erga nos maussimus, cogitare euulgio capimus, si quam homini ancissimo & eruditissimo gratiam referre posse videremur. Hæc igitur cogitantibus nobis, &

hanc

hanc ipsius, loci istius coniecturam expendentibus, tentare visum est, possemusne eam aliqua eiusmodi ratione adiuuare, vnde posset hominibus persuaderi, & INDICARE, hoc loco legendum, & totum sermonem hunc, de Phidippo potius, quàm de quouis alio intelligendum esse. Sed cum in eo genere aliquid iam tentando inuenissemus, obuersabantur ex aduerso animo nostro quædam, quæ totum illud quidquid est, premere nos etiam tum diutius suaderent, nec cogitationem illam nostram tam facile in vulgus proferre paterentur. Verùm nos qui coniecturas scribere, non leges nos ferre memineramus, depreniendū tandem hoc loco esse, quidquid illud esset, existimauimus: iudicium de eo tum nobis ipsis in posterum, tum Victorio ipsi & doctis omnibus duximus esse relinquendum. Reuera enim hanc quoque coniecturam nostram quam proposituri sumus, ipsi illis incommodis omnibus premi intelligimus, de quibus paulo antè est dictum. Ne longum faciam. Quid quæso docti dicerent, si pro, CVM IS VNVS ESSET, legerem, CVM IS SERVVS ISSET, nulla ingenti à vulgata scriptura discessione, emolumento autem insigni illo, quod ad eum quidem modum, manifestius iam omnino, & sine vlla dubitatione planè, id quod de Cæsare dictum esse videri potuisset, de seruo Phidippo intelligeretur. In emendatione enim ipsa, nullam magnam scripturæ mutationem intercessisse, vel inde liquet, quod cum scriptū fuisset, Cūm is Seruus, vel potius cum abbreviatione, Cūm iszus, factum ex eo est, Cūm is vnus: ob euenescientem scilicet abbreviationem ipsam & literam vnam. Ergo, CVM IS SERVVS, Phidippus scilicet, ISSET, hoc autem est, iuisset, Romam missus à Deiotaro domino. Sed hæc, vt dixi, alii viderint, vel nos etiam ipsi aliàs. Hæc enim hoc adhuc tempore, non aliter, quàm quasdam quasi Apellis tabulas in vulgum proponimus: vt si quis futor, aliquid fortè interim velit de crepida, taciti & attentī audiamus, nosque adeo ipsos corrigamus. Eī enim sumus, qui nostra omnia non nisi lentissimè probare soleamus.

ET FRATRES MEOS) Quia Orator dixit, vnum Phidippum fuisse, qui insidiarum esset conscius, excipit quasi Phidippus ipse modò, & ait. Fratres etiam suos conscios, & ideo in vincula coniectos à Deiotaro fuisse.

CVM IGITVR EOS VINCIRET) Respondet ad obiectionem per Ironiam.

O R A T I O.

XV.
CICERO.

R Eliqua pars accusationis duplex fuit: una, Regem semper in speculis fuisse, cum à te animo esset alieno: altera, exercitum cum contra te magnum comparasse. De exercitu dicam breuiter, ut cætera. Nunquam eas copias Rex Deiotarus habuit, quibus inferre bellum populo R. posset, sed quibus fines suos ab excursionibus hostium & latrocinijis tueretur, & imperatoribus nostris auxilia mitteret. Atque antea quidem maiores copias alere poterat, nunc exiguas vix tueri potest. At misit ad Cælium nescio quem, sed eos, quos misit, quod ire noluerunt, in vincula coniecit. Non quero, quàm verisimile sit, aut non habuisse Regem, quos mitteret, aut eos, quos misisset, non paruisse: aut, qui dicto audientes in tanta re non fuissent, eos victos potius, quàm necatos fuisse. Sed tamen cum ad Cælium mittebat, vtrum causam illam victam esse nesciebat? an Cælium istum magnum hominem putabat, quem profectò is, qui optimè nostros homines nouit, vel quia nosset, vel quia non nosset, contemneret.

N O T A E.

PATRIC. REGEM SEMPER IN SPECVLIS FUISSE) i.
tuas

tuas omnes actiones obseruasse, & speculatores tenuisse, qui, vt infra n°. 17. loquitur, rumores de te exciperent & ad se referrent.

NUNC EXIGVAS VIX TVERI POTEST) Hæc ad misericordiam, in Cæsaris animo commouendam, dicuntur: qui cum aliquot prouinciis multatum, regem nomine tantum quasi reliquerat.

AT MISIT) Hoc vnum est, quod ad specularum crimen pertinet. Non puto tamen hoc membrum integrum esse.

MISIT AD CAELIVM NESCIO QVEM) An, MISIT NESCIO QVEM, an, AD NESCIO QVEM CAELIVM. Virumque, ex iis quæ sequuntur defendi potest. Posterius tamen præfero. Sic enim statim de eodem, quasi de non magno, imò de contempto homine. Et alibi de hoc eodem, ad eundem modum. 12. Fam. 43. Quo iste nescio qui Cælius Bassus erumperet. Nisi quòd alibi Cælium, alibi Cæcilium vocat. Sed Lambinus in veteribus passim libris, Cæcilium, scribi non, Cælium, admonet.

IS QUI OPTIME) Deiotarus.

VEL QVIA NOSSET) miserum enim esse cognouisset. VEL QVIA NON NOSSET). cum optime omnes nostros, alicuius precii homines nouisset. Qui enim optime nostros alicuius precii ac nominis homines nosset, is eum, quem non nosset, miserum profecto & nihili hominem deputabat.

CONTEMNERET) nec eius videlicet opera ad rem tantam vteretur.

ORATIO.

Addidit etiam illud, equites non optimos misisse tibi. Veteres, credo, Cæsar: nihil ad tuum equitatum; sed misit ex ijs, quos habuit, electos. Ait nescio quem ex eo numero seruum indicatum. Non arbitrator: non audiui. Sed in eo, etiam si accidisset, culpam Regis nullam fuisse arbitrarer. Alieno autem à te

XVI.
CICERO.

*animo fuit: quo modo? speravit, credo, difficiles tibi
Alexandriae fore exitus propter regionis naturam
& fluminis. At eo ipso tempore pecuniam dedit, ex-
ercitum aluit: quem Asiae praefecerat, ei nulla in re
defuit: tibi victori non solum ad hospitium, sed ad
periculum etiam, atque ad aciem praesto fuit. Secu-
tum est bellum Africanum. Graues de te rumores
parsi, qui etiam furiosum illum Caesium excitaue-
runt, quo tum erga te Rex animo fuit, qui auctio-
natus sit, seseque & filium suum expoliare malue-
rit, quam tibi pecuniam non subministrare? At eo,
inquit, tempore ipso Niceam, Ephesumq; mittebat,
qui rumores Africanos exciperent, & celeriter ad
se referrent.*

NOTAE.

PATRIC. ADDIDIT ETIAM ILLVD) accusator scilicet.
EQVITES NON OPTIMOS MISISSE TIBI. VE-
TERES, CREDO CAESAR) Mallem ferè. MISISSE
TIBI CAESAR, VETERES CREDO, NIHIL AD
TVVM EQVITATVM.

SED MISIT) Respondet misisse quales haberet: imò qua-
les ex iis quos haberet, elegisset. Quanquam ego, LECTOS,
penè mallem quàm, ELECTOS.

SERVVM IVDICATVM) i. iudicatum fuisse servum.
ALIENO AVTEM A TE ANIMO) Quid si, ALI-
ENO ATENIM A TE Sed, ATENIM A TE, sonus non
optimus. Verùm ne ille quidem, AVTEM A TE, optimus cen-
feri potest. Quid igitur si. ALIENO ATENIM ANIMO,
ut subaudiatur, à te, quod frequens est,
ALE-

ALEXANDRIÆ FORE EXITVS) Quid si, ALEXANDRIA.

ATEO, INQVIT, TEMPORE) Alterum, quod ad speculas pertinet.

ORATIO.

XVII.
CICERO.

I Taque cū esset ei nuntiatum, Domitium naufragio perisse, te in castello circumfideri: de Domitio dixit versum Græcum eadem sententia, qua etiam nos habemus Latinum: Pereant amici, dum vnā inimici intercidant. Quod ille, si esset tibi inimicissimus, nunquam tamen dixisset. Ipse enim mansuetus, versus immanis. Quis autem Domitio poterat esse amicus, qui tibi esset inimicus? tibi porro inimicus cur esset, a quo, cū vel interfici belli lege potuisset, Regem & se & filium suum cōstitutos esse meminisset? Quid deinde, furcifer quò progreditur? ait hac letitia Deictarum elatum, vino se obruisse, in conuiuioque nudum saltauisse. Quæ crux huic fugituo potest satis supplicij afferre? Deictarum saltantem quisquam, aut ebriū vidit vnquam? omnes sunt in illo regie virtutes, quod te Cæsar ignorare non arbitror, sed præcipuè singularis & admiranda frugalitas. Et si hoc verbo scio laudari Reges non solere.

NO.

NOTAE.

PATRIC. VERSVS IMMANIS) Versus modò prolatus ex poëta Latino nescio quo.

OMNES SVNT IN ILLO REGIAE VIRTUTES) Quia statim in his virtutibus numerat frugalitatem, quam non esse ex regijs virtutibus, ipse statim non obscurè fatetur, detur mihi hæc venia, vt, quod sentio, dicam, & tamen suo quicquid sensu abundare permittam. Vel delerem, REGIAE, vel commutarem in E GRE GIAE, quod etiam alibi notare me memini in eodem hoc verbo. Quod dicimus, id ita esse, manifestissimè, vt arbitramur, conuincit illud, quod statim sequitur. Cæteræ, inquit, regiae sunt laudes, illa priuata est. Loquitur autem ibi de frugalitate. Quam tamen hoc loco, si scriptura vulgata maneret, inter præcipuas regias virtutes nominaret.

ORATIO.

XVIII.
CICERO.

FRugi hominem dici, non multum habet laudis in Rege: fortem, iustum, seuerum, grauem, magnanimum, largum, beneficum, liberalem, hæ sunt regiae laudes: illa priuata est. Ut volet, quisque accipiat: ego tamen frugalitatē, id est, modestiā & temperantiam, virtutem esse maximam iudico. Hæc in illo est ab ineunte ætate, tum à cuncta Asia, tum à magistratibus Legatisque nostris, tum ab equitibus R. qui in Asia negotiati sunt, perspecta & cognita. Multis ille quidem gradibus officiorum erga Remp. nostram ad hoc regium nomen ascendit: sed tamen quicquid à bellis populi R. vacabat, cum hominibus nostris

nostris consuetudines, amicitias, res, rationesque iungebat: ut non solum Tetrarcha nobilis, sed optimus paterfamilias, & diligentissimus agricola, & pecuarius haberetur.

NOTAE.

AB INEVNTE AETATE TVM A CVNCTA PATRIC. ASIA) Post, AETATE, coma subiungo.

OPTIMVS PATERFAM. ET DILIGENTISSIMVS AGRICOLA ET PECVARIVS) Prius genus, post id species duæ.

ORATIO.

Q*ui igitur adolescens nondum tanta gloria praeditus nihil vnquam nisi seuerissime & gravissime fecerit, is ea existimatione, eaque ætate saltavit? imitari potius Castor aui tui mores disciplinamque debebas, quam optimo & clarissimo viro fugitivi ore maledicere. Quod si saltatorem avum habuisses, neque eum virum, unde pudoris, pudicitiaeque exempla peterentur, tamen hoc maledictum minime in illam ætatem conveniret. Quibus ille studiis ab incunte ætate se imbuerat, non saltandi, sed bene ut armis, optime ut equis vteretur: ea tamen illum cuncta iam ætate exacta defecerant. Itaque*

XIX.
CICERO.

Deiotarum cum plures in equum sustulissent, quòd hære in eo senex posset, admirari solebamus. Hic verò adolescens, qui meus in Cilicia miles, in Græcia commilito fuit, cùm in illo nostro exercitu equitaret cum tuis delectis equitibus, quos vnà cum eo ad Pompeium pater miserat, quos concursus facere solebat? quàm se iactare? quàm se ostentare? quàm nemini in illa causa studio & cupiditate concedere? cùm verò, exercitu amisso, ego, qui pacis auctor semper fui, post Pharsalicum autem prælium suasor fuisset armorum non deponendorum, sed abijciendorum hunc ad meam auctoritatem non potui adducere, quod & ipse ardebat studio ipsius belli, & patri satisfaciendum esse arbitrabatur.

NOTAE.

PATRIC.

QVI IGITVR ADOLESCENS NONDV
TANTA GLORIA PRÆDITVS, NIHIL VN-
QVAM NISI SEVERISSIME ET GRAVISSIME
FECERIT, IS EA EXISTIMATIONE EAQVE
AETATE SALTAVIT) Pulcherrima periodus, in qua qui-
dem hæc sibi opponuntur. Primum saltatio opponitur grauissimis
omnibus actionibus. In quo ipso duo sunt, tum, quòd vnū omni-
bus opponatur, tum quòd saltatio grauitati. Deinde opponitur
adolescens ætati maturæ. Deinde, nondum præditus tanta gloria,
opponitur maximæ existimationi. Postremò, per quandā venustā
admodū oppositionē, adolescentiæ ipsi, seuerissimè factū adscribi-
tur, & ei qui nondū summā esset gloria, omnia grauitatis singu-
laris

laris plenissima tribuuntur. τὸ, PRAEDITVS, videndū an vacare possit. Illud etiam, SALTAVIT, videndū an in, SALTABIT, commutari possit. Vt sit SALTABIT, id est, saltauisse dici poterit: venusta admodum sententia. Certè V, & B, apud veteres librariorum confundi notissimum est. Sed hæc mittamus.

QVOD SI SALTATOREM AVVM HABVISSES) SALTATOREM, id est, eum qui artem saltandi non modò exerceret assidue, sed etiam penè profiteretur. Interdum etiam propemodum legerem (scribo enim quidquid in buccam, quod aiunt) QVOD SI VIRVM SALTATOREM AVVM HABVISSES, NEQ. EVM VNDE PVDO-
RIS, &c. Virum saltatorē, eum scilicet, qui virili ætate ipsa saltatione vteretur.

TAMEN HOC MALEDICTVM IN ILLAM AETATEM MINIME CONVENIRET) Hoc est. Si talibus esset moribus, tamen propter ætatem, talis certè esse non posset, vt senex saltaret.

QVIBVS ILLE STVDIIS, &c.) Aliquid est quod offendant. Tale quiddam mallem. Hoc maledictum minime in illam ætatem conveniret: quòd quibus ille studiis ab ineunte ætate se imbuerat, non saltandi, sed bene vt armis, optime vt equis vteretur, ea etiam illum cuncta, ætate iam exacta, defecerant. Pro illo etiam, NON SALTANDI, mallem, NON VT SALTARET, Sequitur enim, SED BENE VT ARMIS, OPTIME VT EQVIS VTERETVR. Aut certè totum illud, NON SALTANDI, SED, aliunde infartum est. Addam vnum, vt gustum aliquem interea proponam obseruationum mearum in scriptoribus antiquis. Cùm dicit Cicero, IN ILLAM AETATEM, non significat aliquam remotam ætatem Deiotari, ab illis, quibus tum causa hæc agebatur, temporibus, sed ipsam illam, qua tum esset cùm hæc agerentur. Dicit tamen, ILLAM, quia loquitur de absente Deiotaro. Qui quidem præsens tum si adfuisset, istam ætatem, potius quàm, illam, à Cicerone audiuisset. Ergo, ILLAM AETATEM: qua nunc scilicet Deiotarus est, ubicunque est. Lamb. hic ex vet. lib. legit. EA TVM ILLVM IAM AETATE DEFECERANT. Delet videlicet, CUNCTA EXACTA.

HIC VERO ADOLESCENS) Castor, in quem no-

ster artificiosè admodum hoc loco inuehitur. verbis enim vtcunque interdum laudat, interdum excusat, re ipsa vehementer pungit & vulnerat.

PACIS AVCTOR SEMPER FUI) Vltima vox abesse potest, an verò etiam debet. Pendet enim sententia vsque ad verbum, FVISSEM.

ORATIO.

XX.
CICERO.

FOELIX ista domus, quæ non impunitatem solùm adepta sit, sed habet etiam accusandi licentiam: calamitosus Deiotarus, qui ab eo, qui in iisdem castris fuerit, non modò apud te, sed etiam à suis accusetur. Vos vestra secunda fortuna Castor non potestis sine propinquorum calamitate esse contenti. Sint sanè inimici, quæ esse non debebant. Rex enim Deiotarus vestram familiam abiectam & obscuram è tenebris in lucem reuocauit.

NOTAE.

PATRIC, FELIX ISTA DOMVS) inuidiosè in Castorem, misericorditer erga Deiotarum. Ex quo sequitur, id quod sequitur. De Deiotaro quidem misericorditer. Calamitosus Deiotarus. De Castore autem inuidiosè. Vos vestra secunda fortuna, Castor, non potestis sine propinquorum calamitate esse contenti.

SED HABET ETIAM ACCVSANDI LICENTIAM) Malim, HABEAT ETIAM ACCVSANDI LICENTIAM. Atqui Lambinus, hoc verbum, HABET, abesse scribit à manuscriptis.

NON MODO APVD TE, SED ETIAM A SVIS)

Graue

Graue est Deiotaro apud te accusari, cuius gratiam omnes plurimi faciunt, & cui placere gestiunt. Sed grauius est accusari à suis, qui eum tueri ac tegere debuerunt. Est autem, A SVIS, non tantum quod à seruo & nepote, sed etiam quod ab iis, qui secum in iisdem castris fuissent.

VOS VESTRA SECVNDA FORTVNA CASTOR NON POTESTIS SINE PROPINQVORVM CALAMITATE ESSE CONTENTI) Lege-rem penè cum interrogatione. Cùm autem dicit, VOS VESTRA CASTOR, in vno Castore, omnes alloquitur eiusdem sceleris conscios & adiutores.

SINT SANE INIMICITIAE) Inter Deiotarum & te familiamq; vestram, inquit. Hoc autem quod sic dicit, ibi demum perficitur 21. Tamen inimicitias hominum more gerere poteratis.

VESTRAM FAMILIAM) Tuam & patris, qui Deiotari filiam duxit uxorem *matrem tuam*.

REVOCAVIT) Fortè melius, VOCAVIT, vel, EVOCAVIT. Ne aliquando claram fuisse eorum familiam, significare videatur.

O R A T I O.

XXI.
CICERO.

Quis tuum patrem antea, qui esset, quàm cuius gener esset, audiuit? sed quamvis ingratus & impiè necessitudinis nomen repudiaretis, tamen inimicitias hominum more gerere poteratis: non ficto crimine insectari, non expetere vitam, non capitis accersere. Esto, concedatur hæc quoque acerbittis & odij magnitudo. Adeone, vt etiam omnia vitæ, salutisque communis atq; etiam humanitatis iura violentur? seruum sollicitare verbis, spe, præ-
l. iij. miisq;

nijsq; corrumpere, abducere domum, contra dominum armare, hoc est, non vni propinquo, sed omnibus familijs bellum nefarium indicere. Nam ista corruptela serui si non modò impunita fuerit, sed etiam à tanta auctoritate approbata: nulli, nulli parietes nostram salutem, nullæ leges, nulla iura custodient. Vbi enim id, quod intus est, atque nostrum, impunè euolare potest, contraque nos pugnare: fit in dominatu seruitus, in seruitute dominatus.

N O T A E.

- PATRIC.** HOMINVM MORE) Vide 1. Tusc. 59. humana vitia.
 NON FICTO CRIMINE INSECTARI) Mutuò scilicet alter alterum.
 ESTO) Amarem, SED ESTO.
 ODII MAGNITVDO) Quid si, MAGNITVDINI. Et suprà vel, CONCEDANTVR, pro, CONCEDATVR: vel, HOC, pro, HAEC.
 ADEONE) Subaudi, concedi debet. Et legerem. ADEONE VERO: vel, ADEONE AVTEM, vel quid simile. Nam illud, ETIAM, in illo, ETIAM OMNIA VITAE, abundare videtur, ideo quòd statim sequitur, ATQ. ETIAM HVMANITATIS IVRA.
 VITAE SALVTISQ. COMMVNIS ATQ. ETIAM HVMANITATIS) Mallem ferè, VITAE SALVTIS ATQ. ETIAM COMMVNIS HVMANITATIS.
 SERVVM SOLICITARE VERBIS, SPE, PRAEMIISQVE CORRVMPERE) Mallem sic. SERVVM SOLICITARE: VERBIS, SPE, PRAEMIISQVE
 COR-

CORRUMPERE. Præpositis scilicet duobus punctis ante, **VERBIS.**

SERVVM ABDVCERE DOMVM) à pedibus scilicet **Legatorum**, vt suprâ dixit n°. 1. Vide illud, Severe seducere, Epistolis famillib. 1.

A TANTA AVCTORITATE) Quanta est scilicet Cæsaris auctoritas, Quid tamē si potius, **TANTA AVCTORITATE**, sine præpositione. Et quidem propemodum sic volo, sic iubeo.

VBI ENIM ID QVOD INTVS EST. ATQ. NOSTRVM, IMPVNE EVOLARE POTEST, CONTRAQUE NOS PVGNARE) Huic quod, **INTVS EST**, opponitur, **EVOLARE**, Illi, **QVOD NOSTRVM EST**, opponitur eleganter **CONTRA NOS PVGNARE**. Et tamen videndum esse puto. Sensus quidem planus est.

ORATIO.

XXII.

CICERO.

O Tempora, o mores: Cn. Domitius ille, quem nos pueri Consulem, Censorem, Pontificem maximum vidimus, cum Tribunus pl. M. Scaurum principem ciuitatis in iudicium populi vocauisset, Scaurique seruus ad eum clam domum venisset, & crimina in dominum delaturum se esse dixisset, comprehendi hominem iussit, ad Scaurumque deduci. Vide quid intersit: etsi inique Castorem cum Domitio comparo: sed tamen ille inimico seruum remisit, tu ab auo abduxisti: ille incorruptum audire noluit, tu corrupisti: ille adiutorem seruum contra dominum repudiauit, tu etiam accusatorem adhibuisti. At semel iste est corruptus à vobis? nonne, cum

cum esset productus testis, & cum tecum fuisset, refugit ad Legatos? nonne etiam ad hunc Cn. Domitium venit? nonne audiente hoc Ser. Sulpitio, clarissimo viro, qui tum casu apud Domitium coenabat, & hoc T. Torquato, optimo adolescente, se à te corruptum, tuis promissis in fraudem impulsum esse confessus est.

NOTAE.

PATRIC. ETSI INIQUE CASTOREM CVM DOMITIO COMPARO, SED TAMEN ILLE INIMICO SERVVM REMISIT) Distinguerem. COMPARO, SED TAMEN. ILLE INIMICO, &c. Est enim in illo, SED TAMEN. apostrophe nota, & venusta.

ILLE ADIVTOREM SERVVM CONTRA DOMINVM REPVDIAVIT, TV ETIAM ACCVSATOREM ADHIBVISTI) Quid si legam, ADIVTOREM SVVM, CONTRA DOMINVM REPVDIAVIT, TV ETIAM ACCVSATORI ADHIBVISTI. Ille, inquit, eum qui ipsi venerat in subsidium, repudiavit, tu non modò à te non repudiavisti, sed etiam alteri adiunxisti.

AT SEMEL) Obiectio. Quid autem si, AN SEMEL.

NONNE CVM) Responsio. Non semel corruptum esse à te oportuit, quia saepe, nunc tecum esse, nunc etià à te testis produci, visus est: nunc rursus visus est cum legatis, & cum alijs, apud quos se esse à te corruptum fatebatur.

REFVGIT AD LEGATOS) Deiotari, à quorum pedibus abstractus per te erat.

ORATIO.

XXIII.
CICERO.

Quæ est ista tam impudens, tam crudelis, tam immo-

immoderata inhumanitas? idcirco in hanc urbem venisti, ut huius urbis iura et exempla corrumperes, domesticâque tua inhumanitate nostræ ciuitatis humanitatem inquinares? At quàm acutè collecta crimina? Blesamius, inquit, (eius enim nomine optimi hominis, nec tibi ignoti, maledicebat tibi) ad Regem, inquit, scribere solebat, te inuidiosè tyrannum existimari, statua inter Reges posita, animos hominū vehementer offensos, plaudi tibi non solere. Nónne intelligis Cæsar, ex urbanis malcuolorū sermunculis hæc ab istis esse collecta? Blesamius tyrannum Cæsarem scriberet? multorum enim ciuium capita viderat: multos iussu Cæsaris vexatos, verberatos, necatos: multas afflictas & euersas domos: armatis militibus refertum forum: quæ semper in ciuili victoria sensimus, ea te victore non vidimus.

N O T A E.

QVAE EST ISTA TAM IMPVDENS) Adderem, PATRIC.
TVA. Quæ est ista tua tam impudens. Sic mox, Domesticâque sua inhumanitate.

ICCIRCO IN HANC VRBEM VENISTI) Vel addo, S, ex fine præcedentis dictiōis ad initium, & lego. S C I L I C E T I C C I R C O. Vel lego, I C C I R C O N? Cætera autem quoque legerem ferè simpliciter sic. I C C I R C O N? H V C V E N I S T I. Ut ex, H A N C, fiat, H V C. & ex, I N, N, adhæreat ad verbum, I C C I R C O. Certè, V R B E M, abesse debere, sequentiâ
m quentiâ

quentia indicio sunt, quæ ita habent, VT HVIVS VRBIS IVRA, VT HVIVS VRBIS IVRA FT EXEMPLA CORVMPERES) Non audeo, sed conabor tamen. Quid si VT HVIVS VRBIS IVRA TVO EXEMPLO CORVMPERES: Hoc magis, quod sequitur. Domesticæque tua inhumanitate nostræ ciuitatis humanitatem inquinares. Sed hæc tentare tantùm volui, non etiam profiteri.

BLESAMIVS, INQVIT, AD REGEM, INQVIT, SCRIBERE SOLEBAT, TE INVIDIOSE TYRANNVM EXISTIMARI) Delerem alterum, INQVIT, & pro eo verbum, INVIDIOSE, quod post tria verba sequitur, reponerem. legeremque. BLESAMIVS, INQVIT, AD REGEM INVIDIOSE SCRIBERE SOLEBAT, TE TYRANNVM EXISTIMARI. Etiam Manutius quiddam eiusmodi.

TYRANNVM EXISTIMARI) Hic colon adponerem. Est enim primum, ex acutè videlicet collectis criminibus. Secundū ibi. Statua tua offensos homines. Tertium. Plaudi tibi non solere.

STATVA INTER REGES POSITA) Fortè scribendum. statVA. legendum, statua tua. Infra. Inuidendum est eius statuæ, cuius trophæis non inuidemus.

MVLTORVM ENIM CIVIVM CAPITA VIDERAT) CAPITA, truncata scilicet, & absque corpore. Est autem ironiæ quædam species, cum dicit, visa esse, quæ nunquam visa erant sub imperio Cæsaris. Qualia sunt etiam quæ sequuntur. Quibus quidem sermonum generibus, solet ferè aliàs apponi particula, scilicet. Cuius vicem supplere hoc loco videtur, ENIM. Sic infra 24. Valde enim inuidendum est &c. In eiusdèmodi ironia.

EA TE VICTORE NON VIDIMVS) Vel delerem, EA, vel in, SED, commutarem. Nam illud, QVAE, quod præcedit, non ad illud refertur quod sequitur, EA NON VIDIMVS, sed ad illa, MVLTORVM CIVIVM CAPITA, MVLTOS VEXATOS, VERBERATOS, NECATOS &c.

ORATIO.

XXIII.
CICERO:

SOLVS, inquam, es C. Cæsar, cuius in victoria cecide-

*ceciderit nemo nisi armatus : & quem nos liberi in
Summa Reip. libertate nati non modo non tyrannū,
sed etiam clementissimum in victoria videmus du-
cem, is Blesamio, qui viuit in regno, tyrannus videri
potest ? Nam de statua quis queritur, una præfer-
tim, cum tam multas videat ? valde enim inuiden-
dum est eius statuae, cuius trophæis non inuidemus.
Nam si locus affert inuidiam, nullus locus est ad sta-
tuam quidem, rostris clarior. De plausu autē quid
respondeam ? qui nec desideratus unquam à te est,
& nonnunquam obstupefactis hominibus ipsa ad-
miratione compressus est, et fortasse eo prætermissus,
quia nihil vulgare te dignum videri potest.*

NOTAE.

CVIVS IN VICTORIA NEMO CECIDERIT PATRIC.
NISI ARMATVS) Eodem modo loquitur in ea pro Marcello
vel Ligario.

ET QVEM NOS) Fortè. ITA QVEM NOS.

IS) Quem nos clementissimum videmus.

BLESAMIO) barbaro homini à Deiotaro misso, & qui, vt
hic loquitur, VIVIT IN REGNO, hoc autem est, qui non
in reipub. libertate viuit, sed dominum regem habet.

QVIS QVERITVR) Fortè. QVIS QVERATVR, vt
statim. Quid respondeam.

CVM TAM MVLTAS VIDEAT) tuas, alibi per vr-
bem positas.

VALDE ENIM) Fortè. VALDE NIMIRVM. Et
quidem cum ironia, Dixi suprā. Multorum enim capita,

m ij

NAM

NAM SI LOCVS) In quo scilicet tua statua posita est. Le-
gerem autem. IAM SI LOCVS. Si Capitolium, inquit, inuidi-
am facit tuæ statuæ &c.

ROSTRIS CLARIOR) In quibus tamen tua, ô Cæsar,
statua aliâs est locata.

OBSTVPEFACTIS HOMINIBVS IPSA AD-
MIRATIONE COMPRESSVS EST) Interdum, in-
quit, fortassis non est tibi applausum, propter stuporem quendam
hominum, ex admiratione tui. Dicit autem, COMPRESSVS,
de eo, qui non fuit ille quidem excitatus, sed debuit cœitari.

NIHIL VVLGARE) Plausus autem hoc tempore ma-
gnopere viluit, & vulgaris est factus.

ORATIO.

XXV.
CICERO.

Nihil à me arbitror prætermissum, sed aliquid
ad extremam causæ partem reservatum. Id au-
tem aliquid est, te vt planè Deiotaro reconciliet ora-
tio mea: non enim iam metuo, ne tu illi succenseas:
illud vereor, ne tibi illum succensere aliquid suspice-
re. Quod abest longissimè, mihi crede Cæsar. Quid
enim retineat per te, meminit, non quid amiserit: ne-
que se à te multatum arbitratur: sed, cum existima-
ret multis tibi multa esse tribuenda, quominus à se,
qui in altera parte fuisset, ea sumeres, non recusa-
uit. Etenim si Antiochus, magnus ille Rex Asiæ,
cum postea, quàm à Scipione deuictus Tauro tenus
regnare iussus esset, omnemque hanc Asiæ, quæ
est nunc nostra provincia, amisset, dicere est solitus,
benignè

benignè sibi à populo R. esse factum, quòd nimis magna procuratione liberatus, modicis regni terminis vteretur: potest multò facilius se Deiotarus consolari. Ille enim furoris multam sustinuerat, hic erroris. Omnia tu Deiotaro Cæsar tribuisti, cum & ipsi & filio nomen regium concessisti.

NOTAE.

ID ALIQUID AVTEM EST) Terentius, Id aliquid PATRIC. nihil est.

QVOD ABEST LONGISSIME) Fortè, QVOD AB EO EST LONGISSIME.

IN ALTERA PARTE FVISSET) Mollius quàm, in contraria & aduersa.

MODICIS TERMINIS) Neq; paruis, neque magnis.

CVM POSTEAQVAM A SCIPIONE DEVICTVS, TAVRO TENVS REGNARE IVSSVS ESSET, OMNEMQVE HANC ASIAM AMISSET, DICERE EST SOLITVS) Delendum vel tò, CVM, initio, vel, QVE, in illo, OMNEMQVE.

POTEST MVLTÒ FACILIVS) Malo. MVLTÒ POTEST FACILIVS. Et tamen tunc quoque aliquid deesse suspicer: saltem, IIS. Sic. Multo potest facilius se Deiotarus iis consolari. Ego autem, cum ea quæ statim sequuntur confidero, propemodum pro, FACILIVS, legendum esse dixerim. FELICIVS.

ORATIO.

XXVI.
CICERO.

Hoc nomine retento atque conseruato, nullum beneficium populi R. nullum iudicium de se
m iij .Senatus

Senatus imminutum putat : magno animo & erecto est, nec vnquam succumbet inimicis, ne fortunæ quidem. Multa se arbitratur & peperisse antea factis, & habere in animo atque virtute, quæ nullo modo possit amittere. Quæ enim fortuna, aut quis casus, aut quæ tanta possit iniuria, omnium impetratorum de Deiotaro decreta delere? ab omnibus enim est ornatus : qui postquam in castris esse potuit per ætatem, in Asia, Cappadocia, Ponto, Cilicia, Syria bella gesserunt. Senatus verò iudicia de illo tam multa, tamque honorifica, quæ publicis populi R. literis monumentisque consignata sunt, quæ vnquam vetustas obruet, aut quæ tanta delebit obliuio? quid de virtute eius dicam? quid de magnitudine animi, grauitate, constantia? quæ omnes docti atque sapientes summa, quidam etiam sola bona esse dixerunt : hisque non modò ad bene, sed etiam ad beatè viuendum contentam virtutem esse.

NOTAE.

PATRIC. ET PEPERISSE ANTEA FACTIS, ET HABERE IN ANIMO ATQVE VIRTUTE, QVAE) Mallem. ET PEPERISSE ANTE FACTIS ATQVE VIRTUTE, ET HABERE IN ANIMO, QVAE, &c. Vd. ET PEPERISSE ANTEA VIRTUTE ATQ. FACTIS, ET HABERE IN ANIMO,

QVAE

QVAE TANTA POSSIT INIVRIA, OMNIVM IMPERATORVM DE DEIOTARO DECRETA DELERE: Non, INIVRIA OMNIVM IMPERATORVM; sed, DECRETA OMNIVM IMPERATORVM. Quanquam cetera quoq; in hac eadem periodo videnda esse puto. Nam & pro, TANTA, penè legam, TANDEM, vel quid simile. Cetera etiam emendatione indigere non valde negauerim.

AB OMNIBVS ENIM EST ORNATVS: QVI POSTQVAM IN CASTRIS ESSE POTVIT, IN ASIA, CAPPADOCIA, PONTO, CILICIA, SYRIA, BELLA GESSERVNT) Expono. AB OMNIBVS ENIM EST ORNATVS, QVI POSTQVAM IN CASTRIS, &c. Hoc est. Ab omnibus est ornatus, qui in illis locis bella gesserunt, postquàm is per ætatem in castris versari potuit.

QVAE TANTA DELEBIT OBLIVIO) Fortè QVAE TANDEM DELEB. OBL. Dixi modò Quæ tanta iniuria.

O R A T I O.

HÆc ille reputans, & dies & noctes cogitans, XXVII.
CICERO.
non modò tibi non succenset (esset enim non solùm ingratus, sed etiam amens) Verùm omnem tranquillitatem & quietem senectutis acceptam refert clementiæ tuæ. Quo quidem animo cum antea fuerit, tum non dubito quin tuis literis, quarum exemplum legi, quas ad eum Tarracone huic Blesamio dedisti, se magis etiam erexerit, ab omniq; sollicitudine abstraxerit. Iubes enim eum bene sperare, & bono esse animo: quod scio te non frustra scribe-

Scribere solere. Memini enim iisdem ferè verbis ad me te scribere, meque tuis literis bene sperare non frustra esse iussum.

NOTAE.

PATRIC. HAEC ILLE REPUTANS ET DIES ET NOCTES COGITANS) Mallem, ET DIES AC NOCTES COGITANS. Vel, DIES NOCTESQUE COGITANS.

BENE SPERARE ET BONO ESSE ANIMO.) Statim dixi cum hæc legerem, alterum horum abundare. Cum verò etiam sequentia illa legi, MEQUE TVIS LITERIS BENE SPERARE ESSE IVSSVM, valde sum in mea sententia confirmatus.

ORATIO.

'XXIIX.'
CICERO.

L Aboro equidem Regis Deiotari causa, quocum mihi amicitiam Resp. conciliauit, hospitium voluntas utriusque coniunxit, familiaritatem consuetudo attulit, summam verò necessitudinem magna eius officia in me, & exercitum meum effecerunt: sed cum de illo laboro, tum de multis amplissimis viris, quibus semel esse ignotum à te oportet, nec beneficium tuum in dubium vocari, nec hæerere in animis hominum solitudinem sempiternam, nec accidere, ut quisquam te timere incipiat eorum, qui
semel

semel à te sint liberati timore. Non debeo C. Cæsar, quod fieri solet in tantis periculis, tentare, quonam modo dicendo misericordiam tuam commouere possim. Nihil opus est: occurrere ipsa solet supplicibus & calamitosis nullius oratione euocata. Propone tibi duos reges: & id animo contemplare, quod oculis non potes, dabis profectò misericordiæ, quod incundiæ negauisti.

NOTAE.

SEMELE ESSE IGNOTVM) Fortè, SIMVL, pro, PATRIC.
SEMELE. Neque enim hoc tale est, quale illud mox. Quisquam te timere incipiat eorum, qui semel à te sunt timore liberati.

OCCVRRERE IPSA SOLET) Mallem, ACCVRRERE: Quasi ad subsidium. Sed bonum est, OCCVRRERE: Hoc autem est, anteuertere & quasi obuiam ire.

DVOS REGES) Patrem & filium.

ORATIO.

Multa sunt tuæ clementiæ monimenta, sed maxime eorum incolumitates, quibus salutem dedisti: quæ si in priuatis gloriosa sunt, multò magis commemorabuntur in Regibus. Semper regium nomen in hac ciuitate sanctum fuit: sociorum & rò regum & amicorum sanctissimum. Quod nomen hi
n Reges

XXIX.
CICERO.

Reges ne amitterent, te victore timuerunt : retentum verò , & à te confirmatum posteris etiam suis tradituros esse confido. Corpora verò sua pro salute Regum suorum hi Legati tibi regij tradunt. Hieras, & Blesamius, & Antigonus, tibi nobisque omnibus iam diu noti, eademque fide & virtute præditus Dorylaus, qui nuper cum Hiera Legatus est ad te missus : tum Regum amicissimi, tum tibi etiam, ut spero, probati. Exquire de Blesamio, nunquid ad Regem contra dignitatem tuam scripserit. Hieras quidem causam omnem suscipit, & criminibus illis pro Rege se supponit reum : memoriam tuam implorat, qua vales plurimum: negat vnquam se à te in Deiotari tetrarchia pedem discesisse : in primis finibus tibi se præsto fuisse, dicit, usque ad ultimos prosecutum : cum è balneo exisses, tecum se fuisse: cum illa munera inspexisses cœnatus : cum in cubiculo recubuisses : eandemque assiduitatem tibi se præbuisse postridie.

NOTAE.

PATRIC. IN PRIVATIS GLORIOSA SVNT) IN PRIVATIS, id est, collata in priuatos. Et sic, IN REGIB, collata in reges.

TRADITVROS ESSE CONFIDO) Mallem, CONFIDVNT.

FIDUNT. Et sic alicubi Lamb. reperit.

TIBI ETIAM, VT SPERO, PROBATI) Vt spero.
Sic scilicet.

· NVNQVID) Duabus dictionibus, NVM QVID.

PEDEM DISCESSISSE) PEDEM, Spatium videlicet pedis. Nā pigdž nie odchodžit.

O R A T I O.

Quamobrem, si quid eorum quæ obiecta sunt, ^{¶ XXX.}
cogitatum sit, non recusat, quin id facinus ^{CICERO.}
suum iudices. Quocirca C. Cæsar, velim existimes,
hodierno die sententiam tuam, aut cum summo de-
decore miserrimam pestem importaturam esse Regi-
bus, aut incolumem famam cum salute. Quorum
alterum optare, illorum crudelitatis est: alterum
conseruare, clementiæ tuæ.

N O T A E.

· SVVM IVDICES) SVVM, Hoc est, ipsius Hieræ esse ^{PATRIC.}
reputes.

· CVM SVMMO DEDECORE) Regum scilicet non tuo.
· ILLORVM CRVDELITATIS) ILLORVM, Ad-
uersariorum.

Videtur certè quidem hac oratione nihil Deiotaro impetrauisse,
Vide 2. Philip. 95.

F I N I S.

n ij

T Y P O.

Typographus Lectori S.

Quod superioribus duarum Ciceronis orationum notis Patricianis excudendis, feci, ut Fulvii Vrsini in easdem orationes, notas adiungerem, id his quoque duabus orationibus faciendum mihi esse existimaui. Nam et paginae vacaturae erant, et certè æquius melius occupari non posse videbantur. Vale lector.

FVLVII VRSINI

IN ORATIONEM

pro Q. Ligario

NOTAE.

Quis putet fuisse crimen esse in Africa] *Videtur legendum ut est in manuscripto, Quis putet esse crimen fuisse in Africa.*

T. Brocchi.] *Brocchus Furie familiae cognomen est in argenteo denario, in quo L. FVRIVS CN. F. BROCCIVS descriptus est.*

Vt perhibetis] & prohibiti *vetus liber elegantissime; et ad sententiam aptissime.*

Etiā si à Varo, & quibusdā alijs prohibiti essetis] *Vetus liber, si à Varo & quibusdā alijs prohibiti nō essetis.*

Ego autem confitebor] *In manuscripto est tamen, unde apparet legendum ego tum &c.*

Quam

Quam ut velis conseruare quamplurimos.] *Sententia innominati auctoris extat apud Strabonem lib. x. in quo scriptū est. ἐν γὰρ εἰρηται καὶ τοῦτο, τοὺς ἀνθρώπους μάλιστα μιμεῖσθαι τοῦ θεοῦ ὅταρ ἐνεργετῶσι.*

IN ORATIONEM pro Deiotaro.

Crudelis Castor] *De Castore hoc, videndus Suidas in voce καστος.*

Aui seruum] ac seruum *vetus liber.*

Si tum auxilia Pompeio] *Videtur legendum, si tantum auxilia Pompeio; ad quam scripturam accedit propius liber antiquus.*

Nihil de veneno: at id fieri potuit] *Antiquus liber, Nihil de veneno; nihil. At id fieri potuit.*

Qualis Rex Attalus in P. Africanum fuit] *Vel Antiochus scribendum est pro Attalus, cui sunt hæc à Liuiο, alijsq; scriptoribus tributa; vel erit ipsius Ciceronis ἀμάστιμα μνημονίου.*

Alexandriæ] *Alexandrea est in argenteo M. Lepidi denario, & Alexsandrea, sed Alexandria vidi notatum in denario Hadriani Imp.*

Niceam] *Scribendum est Nicæam. ΝΙΚΑΙΕΩΝ enim habent vetera huius populi numismata.*

Quæ est tam impudens] *Vetus liber tam impotens.*

Eius enim nomine optimi hominis] *optimi viri, est in libris manuscriptis, quam lectionem agnoscit Priscianus lib. viij.*


F I N I S.


CRACOVIÆ.





In Officina Lazari, Anno Domini


M. D. LXXXIII.











Cim.4940 Konserwacja i oprawa
wykonane w Oddziale Konserwacji
Biblioteki Jagiellońskiej.
marzec - maj 1982

